

宋槧太平御覽



1卷3  
403  
25









敬宗郭貴妃

昭宗何皇后

唐高祖竇皇后

唐書高祖太穆皇后竇氏京兆平陵人隋定州總管神武公毅之女也后母周武帝姊襄陽長公主后生而髮垂過頸三歲與身齊周武帝特愛重之養於宮中時武帝納突厥女爲后無寵后尙幼竊言於帝曰四邊未靜突厥尙強願舅抑情撫慰以蒼生爲念但得突厥之助則江南關東不能爲患矣武帝深納之毅聞之謂長公主曰此女才貌如此不可妄以許人當爲求賢夫乃於門屏畫二孔雀諸公子有求婚輒與兩箭射之潛約中目者許之前後數十輩莫能中高祖後至兩發各中一目毅大悅遂歸于我及周武帝崩后追思如喪所生隋文帝受禪后聞而流涕自投於床曰恨我不爲男以救舅氏之難毅與長公主遽掩

口曰汝勿妄言滅吾族矣后事元貞太后以孝聞太后素有羸疾時或危篤諸嬖以太后性嚴懼譴皆稱疾而退唯后晝夜扶持不脫衣履者動淹旬月焉善書學類高祖之書人莫能辨工篇章而好存規誡大業中高祖爲扶風太守有駿馬數匹常言於高祖曰上好鷹愛馬公之所知此堪進御不可久留人或言者必爲身累願熟思之高祖未決竟以此獲譴未幾后崩於涿郡時年四十五高祖追思后言方爲自安之計數求鷹犬以進之俄而擢拜將軍因流涕謂諸子曰我早從汝母之言居此官久矣初葬壽安陵後祔葬獻陵上元元年八月改上尊號曰大穆順聖皇后

太宗長孫皇后

唐書曰太宗交德順聖皇后長孫氏長安人隋右驍衛將軍晟之女也后少好讀書造次必循禮則年十三嬪于太



宗武德元年冊爲秦王妃九年冊拜皇太子妃太宗卽位  
立爲皇后性尤儉約凡所服御取給而已太宗彌加禮  
待十年六月己卯崩于立政殿時年三十六葬於昭陵后  
嘗撰古婦人善事勒成十卷名曰女則自爲之序又著論  
駁漢明德馬皇后以爲不能抑退外戚令其當朝貴盛乃  
戒其龍馬水車此乃開其禍源而防其末事耳且誠守主  
者曰此吾以自防閑耳婦人著述無條貫不欲至尊見之  
慎勿言崩後宮司以聞太宗覺而增慟以示近臣曰皇后  
此書足可垂於後代我豈不達天命而不能割情乎以其  
每能規諫補朕之闕今不復聞善言是內失一良佐以此  
益令人哀耳上元元年改上尊號曰文德順聖皇后

徐妃附

唐書曰太宗賢妃徐氏名惠右散騎常侍堅之姑也生五

月而能言四歲誦論語毛詩八歲好屬文其父孝德試擬  
楚辭云山中不可以久留詞甚典美自此遍涉經史手不  
釋卷太宗聞之納爲才人其所屬文揮翰立成詞華綺贍  
俄拜婕妤再遷充容時軍旅丞動宮室互興百姓頗倦勞  
役上疏諫之太宗善其言優賜甚厚及太宗崩追思顧遇  
之恩哀慕愈甚發疾不自醫病甚謂所親曰吾荷顧實深  
志在早歿魂其有靈得侍園寢吾之志也因爲七言詩及  
連珠以見其志永徽元年卒時年二十四詔贈賢妃陪葬  
於昭陵之石室

高宗廢王皇后

唐書曰高宗廢后王氏并州祁人也父仁祐同安長公主  
卽后之從祖母也公主以后有美色言於太宗遂納爲晉  
王妃高宗登儲冊爲皇太子妃永徽初立爲皇后初武皇



后貞觀末隨太宗嬪御居於感業寺后及左右數爲之言高宗由是復召入宮立爲昭儀俄而漸承恩寵遂與后及良娣蕭氏遞相譖毀帝終不納后言而武昭儀寵遇日厚后懼不自安密與母柳氏求巫祝厭勝事發帝大怒斷柳氏不許入宮將廢后長孫無忌褚遂良等固諫乃止俄又納李義府之策永徽六年廢后及蕭良娣皆爲庶人囚之別院武昭儀令人皆縊殺之

中宗趙皇后

唐書曰中宗和思皇后趙氏京兆長安人父瓌尚高祖女常樂公主中宗爲英王時納后爲妃旣而妃母公主得罪妃亦坐廢幽死於內侍省則天臨朝瓌爲壽州刺史坐與越王貞連謀被誅公主坐死神龍元年贈后諡爲恭皇后及中宗崩將葬于定陵追謚后爲和思莫知瘞所以皇后

禕衣於陵所寢宮招魂置衣於魂輦以太牢告祭遷衣於寢宮胥於御榻之右覆以夷衾而祔葬焉

中宗廢韋皇后

唐書曰中宗韋庶人京兆萬年人也中宗爲太子時納后爲妃仍擢后父玄貞爲豫州刺史嗣聖元年立爲皇后其年中宗見廢后隨徙房州時中宗懼不自安每聞制使至惶恐欲自殺后勸王曰禍福倚伏何常之有豈矢一死何遽如是也累年同艱危情義甚篤所生懿德太子永泰永壽長寧安樂四公主安樂最幼生於房州帝自脫衣裹之遂名曰裹兒特寵異焉及中宗復立爲太子又立后爲妃中興初復立爲皇后帝在房州時常謂后曰一朝見天日誓不相禁忌及得志乃受上官昭容邪說引武三思入宮中升御牀與后雙陸帝爲點籌以爲歡笑醜聲日聞于外



景龍四年六月帝遇毒暴崩后懼禍不發喪及臨淄王勒兵入內后惶駭遁入殿前飛騎營及武延秀安樂公主皆為亂兵所殺追貶為庶人

上官昭容

唐書曰中宗上官昭容名婉兒西臺侍郎儀之孫也父庭芝與儀同被誅婉兒時在襁褓隨配人掖庭及長有文詞明習吏事則天時婉兒忤旨當誅則天惜其才不殺但黥其面而已自聖歷已後百司表奏多參決中宗即位又令專掌制命深被信任尋拜為昭容婉兒既與武三思淫亂每下制勅多因事推尊武氏而排抑皇家節愍太子深惡之及舉兵至肅章門扣閣索婉兒婉兒大言曰觀其此意即當次索皇后以及大家帝與后遂激怒并將婉兒登玄武門樓以避兵鋒俄而事定婉兒常勸帝廣置昭文學士

盛引當朝詞學之臣數賜遊宴賦詩唱和婉兒每代帝及后長寧安樂二公主數首並作辭甚綺麗時人咸誦之婉兒俄又通於吏部侍郎崔湜引知政事湜嘗充使開商山新路功未半而中宗崩婉兒草遺制曲敘其功而加褒賞及韋庶人敗婉兒亦斬於旗下

睿宗劉皇后

唐書曰睿宗肅明順聖皇后劉氏父延景陝州刺史儀鳳中睿宗居藩納后為孺人尋立為妃生寧王憲壽昌代國二公主睿宗即位冊為皇后及降為皇嗣后從降為妃長壽中與昭成皇后同被譴為則天所殺景雲元年追謚肅明皇后招魂葬於東都城南陵曰惠陵

睿宗竇皇后

唐書曰睿宗昭成順聖皇后竇氏父孝謹潤州刺史后姿



容婉順動循禮則睿宗為相王時為孺人甚見禮異光宅元年立為德妃生玄宗及金仙玉真二公主長壽二年為戶婢團兒誣譖與肅明皇后厭蠱呪詛正月二日朝則天皇后於嘉豫殿既退而同時遇害梓宮秘密莫知所在睿宗即位謚曰昭成皇后招魂葬於都城之南陵曰靖陵

玄宗廢王皇后

唐書曰玄宗廢后王氏同州下邳人梁冀州刺史神念之後上為臨淄王時納后為妃上將起事頗預密謀贊成大業先天元年立為皇后以父仁皎為太僕卿后兄守一以后無子常懼有廢立導以符厭之事有左道僧明悟為祭南北斗刻霹靂木書天地字及上諱合而佩之且呪曰佩此有子嘗與則天皇后為此事發上親究之皆驗下制廢為庶人守一賜死其年十月庶人卒以一品禮葬於無相

寺寶應元年雪冤復尊為皇后

玄宗武皇后

唐書曰玄宗貞順皇后武氏則天從父兄子恒安王攸正女也攸正卒後后尚幼隨例入宮上即位漸承恩寵及王庶人廢後特賜號為惠妃宮中禮秩一同皇后惠妃開元初產夏悼王及懷安哀王上仙公主並襁褓不育上特垂傷悼及生壽王瑁不敢養於宮中命寧王憲於外養之又生盛王琦咸宜太華二公主惠妃以開元二十五年薨年四十餘

楊貴妃

唐書曰玄宗楊貴妃父玄琰蜀州司戶妃早孤養於叔父玄璿開元初武惠妃特承寵遇故王皇后廢黜二十四年惠妃薨帝哀悼久之後庭數千無可意者或奏玄琰女姿



太平御覽 卷一百四十一  
色冠代宜蒙召見時妃衣道士服號曰太真既進見玄宗  
大悅不尋歲恩禮如惠妃太真姿質豐艷善歌舞通音律  
智筭過人每倩盼承迎動移上意宮中呼爲娘子禮數實  
同皇后有姊三人皆有才貌玄宗並封國夫人天寶中安  
祿山大立邊功上深寵之祿山來朝帝令貴妃姊妹與祿  
山結爲兄弟祿山母事妃每宴賜錫賚稠沓及祿山叛露  
檄數國忠之罪河北盜起玄宗以皇太子爲天下兵馬元  
帥監撫軍國事國忠大懼諸楊聚哭貴妃銜土陳請帝遂  
不行內禪及潼關失守從幸至馬嵬禁軍大將陳玄禮密  
啓太子誅國忠父子既而四軍不散玄宗遣力士宣問對  
曰賊本尚在蓋指貴妃也力士復奏帝不獲已與妃決遂  
縊死於佛室時年三十八瘞於驛西道側

玄宗楊皇后

唐書曰玄宗元獻皇后楊氏弘農華陰人后景雲元年八  
月選入太子宮時太平公主用事尤忌東宮中左右持兩  
端而潛附太平者必陰伺察事雖纖芥皆聞於上太子心  
不自安后時方娠太子密謂侍讀張說曰用事者不欲吾  
多息裔恐禍及此婦人其如之何密令說懷去胎藥而入  
太子於曲室躬自煮藥醺然似寐夢神人覆鼎既寤如夢  
如是者三太子異之告說說曰天命也無宜他慮既而太  
平誅后果生肅宗皇帝太子妃王氏無子后斑在下后不  
敢母肅宗王妃撫鞠慈甚所生開元中肅宗爲忠王后爲  
妃又生寧親公主張說以舊恩特承寵異說亦奇忠王儀  
表必知運曆所鍾故寧親公主降說子埴開元十七年后  
薨葬細柳原

肅宗張皇后



唐書曰肅宗張皇后本南陽西鄂人後徙家昭應祖母竇氏玄宗母昭成皇太后之妹也昭成爲天后所殺玄宗幼失所恃爲竇姨鞠養景雲中封鄧國夫人父去逸天寶中選入太子宫爲良娣后辯慧豐碩巧中上意祿山之亂玄宗幸蜀太子與良娣俱從車駕渡渭百姓遮道請留太子收復長安肅宗性仁孝以上皇播越不欲違離左右宦者李靖忠啓太子請留良娣贊成之白於玄宗太子如靈武時賊已陷京師從官單寡道路多虞每太子次舍宿止良娣必居其前太子曰捍禦非婦人之事何以居前良娣曰今大家跋履險難兵衛非多恐有倉卒妾自當之大家可山後而出庶幾無患及至靈武產子三日起縫戰士衣太子勞之日產忌作勞安可容易后曰此非妾自養之時須辨大家事肅宗即位冊爲淑妃贈父去逸左僕射母竇氏

封義章縣主乾元元年冊爲皇后肅宗崩太子監國遂移后於別殿幽崩

肅宗吳皇后

唐書曰肅宗章敬皇后吳氏濮陽人后父坐事沒入掖庭開元二十二年玄宗幸忠王邸見王服御蕭然傍無媵侍命將軍高力士選掖庭宮人賜之而吳后在籍中容止端麗性多謙抑寵遇益隆明年生代宗皇帝二十八年薨葬於春明門外代宗即位群臣以肅宗山陵有期准禮以先太后附

代宗沈皇后

唐書曰代宗睿真皇后沈氏吳興人世爲冠族父易直祕書監開元末以良家子選入東宮賜太子男廣平王天寶元年生德宗皇帝祿山之亂玄宗幸蜀諸王妃主從幸不



太平御覽 卷一百四十一  
及者多陷於賊后被拘於東都掖庭及代宗破賊收東都見之留后於宮中方經略北征未暇迎歸長安俄而史思明再陷河洛及朝義敗復收東都失后所在莫測存亡代宗遣使求訪十餘年寂無所聞德宗即位下詔遙尊為皇太后

代宗獨孤皇后

唐書曰代宗貞懿皇后獨孤氏父穎左威衛錄事參軍后以美麗入宮嬖幸專房故長秋虛位諸姬罕所進御后始冊為貴妃生韓王迥華陽公主大曆十年五月薨追謚曰貞懿皇后殯於內殿累年不忍出宮十三年十月方葬宰臣常袞為哀冊

德宗王皇后

唐書曰德宗昭德皇后王氏父遇官至祕書監德宗為魯

王時納后為嬪上元二年生順宗皇帝特承寵異德宗即位冊為淑妃貞元二年妃病十一月甲午冊為皇后是日崩於兩儀殿

韋賢妃

唐書曰德宗韋賢妃不知氏族所出初為良娣貞元二年冊為賢妃性敏惠言無苟容動必由禮德宗深重之六宮師其德行及德宗崩請於崇陵終喪紀因侍於寢園元和四年薨

順宗王皇后

唐書曰順宗莊憲皇后王氏瑯琊人父顏衛尉卿后幼以良家子選入宮為才人順宗在藩時代宗以才人賜之時年十三大曆十三年生憲宗皇帝立為宣王孺人順宗升諸冊為良娣后言容恭謹宮中稱其德行順宗即位疾恙



未平后供侍盥藥不離左右屬帝不能言冊禮將行復止及永貞內禪冊爲太上皇后天和元年正月順宗晏駕五月尊太上皇后爲皇太后冊禮畢憲宗御紫宸宣赦太后居興慶宮后性仁和恭遜深抑外戚無絲毫假貸訓厲內職有母儀之風焉元和十一年三月崩於咸寧殿諡曰莊憲

憲宗郭皇后

唐書曰憲宗懿安皇后郭氏尚父子儀之孫駙馬都尉驥之女母代宗長女昇平公主憲宗爲廣陵王時納后爲妃以母貴父祖有大勳於王室順宗深寵異之貞元十一年生穆宗皇帝元和元年冊爲貴妃時帝後庭多私愛以后門族華盛慮正位之後不容嬖幸以是冊拜後時穆宗嗣位冊爲皇太后敬宗即位尊爲太皇太后宣宗繼統即后之諸子也恩禮愈異於前朝大中二年崩於興慶宮諡曰

懿安祔葬於景陵后歷位七朝五居大母之尊人君行子孫之禮福壽隆貴四十餘年雖漢之馬鄧無以加焉

女學士宋尚宮附

唐書曰女學士尚宮宋氏者名若昭貝州清陽人父庭芬世爲儒學至庭芬有詞藻生五女皆聰慧庭芬始教以經藝旣而課爲詩賦年未及笄皆能屬文長曰若華次曰若昭若倫若憲若荀若華若昭文尤淡麗性復貞素閑雅不尚芳華之飾嘗白父母誓不從人願以藝學揚名顯親若華教誨四妹有如嚴師著女論語十篇其言摸倣論語以韋逞母宣文君宋氏代仲尼以曹大家等代顏閔其間問答悉以婦道所尚若昭注解皆有理致貞元四年昭義節度使李抱真表薦以聞德宗俱召入宮試以詩賦兼問經史中大義深加賞歎德宗能詩與侍臣唱和相屬亦令若



華姊妹應制每進御無不和善嘉其節槩不佞不以宮妾  
遇之呼爲學士先生庭芬起家授饒州司馬習藝館內教  
賜第一區給俸料元和末若華卒贈河內郡君自貞元七  
年已後宮中記注簿籍若華掌其事穆宗復令若昭代司  
其職拜尚宮姊妹中若昭尤通曉人事自憲穆僖三帝皆  
呼爲先生六宮嬪媛諸王公主駙馬皆師之爲之致敬進  
封梁國夫人寶曆初卒將葬詔所司供鹵簿敬宗復令若  
憲代司宮籍文宗好文以若憲善屬文能論議奏對九重  
之大和中坐駙馬沉議事幽若憲於外第賜死

穆宗王太后

唐書曰穆宗恭僖皇太后王氏越人父紹卿婺州金華令  
后少入太子宫元和四年生敬宗穆宗皇帝即位立爲妃  
長慶四年二月尊爲皇太后文宗即位之初號寶曆太后

穆宗蕭皇后

唐書曰穆宗貞獻皇后蕭氏福建人初入十六宅爲建安  
王侍者元和四年生文宗皇帝寶曆三年敬宗崩中尉王  
守澄率兵討賊迎江王卽位文宗踐祚之月奉冊上尊號  
曰皇太后武宗卽位供養彌謹徙居積慶殿號積慶太后  
會昌中崩謚曰貞獻

敬貞郭貴妃

唐書曰敬宗郭貴妃父義右威衛將軍長慶末以姿貌選  
入太子宫敬宗卽位爲才人生晉王普帝以少年有子復  
以才人容德冠絕特寵異之俄冊爲貴妃及昭愍遇盜宮  
闈變起文宗卽位尤憐晉王有若己子故貴妃禮遇不衰  
昭宗何皇后

唐書曰昭宗積善皇后何氏東蜀人侍壽王邸婉麗多智



太平御覽卷第一百四十一  
特承恩顧生德王輝王昭宗即位立為淑妃乾寧中車駕  
在華州冊為皇后自乾符已後盜滿天下妖生九重宮廟  
榛蕪奔播不暇景福之際奸臣內侮后於蒙塵薄苻之中  
嘗膳禦侮不離左右天祐初朱全忠逼遷輿駕東幸洛陽  
其年八月昭宗遇弒翌日宰相柳璨獨孤損等詐宣皇后  
令云帝為宮人所害輝王祚宜昇帝位仍尊后為皇太后  
遭罹變故迫以兇威宮中哭泣不敢聲聞于外明年十二  
月全忠將僭位先行九錫然後受禪全忠牙將蔣玄暉在  
洛陽宮知樞密宣徽副使趙殷衡素與不叶且欲代知樞  
密事因使于梁誣告云玄暉私於何太后相與盟詛誓復  
唐室不欲王受九錫全忠大怒即日遣使至洛陽誅玄暉  
太后亦被害於積善宮又殺宮人阿秋阿虔仍廢太后為  
庶人

太平御覽卷第一百四十一

太平御覽卷第一百四十二

皇親部八

蜀劉備甘后	穆后
劉禪張后	小張后
吳孫堅吳后	孫權步后
二王后	潘后
謝妃	徐妃
孫亮全后	孫休朱后
孫皓母何太后	孫皓滕后
前趙劉淵母呼延妃	
劉淵張后	劉聰呼延后
二劉后	劉曜劉后
後趙石勒劉后	



後燕慕容垂段后

宋劉裕臧后

劉義隆表后

劉駿王后

劉彧王后

劉昱江后

劉准謝后

胡婕妤

劉駿母路后

劉彧母沈婕妤

陳妃

劉准母陳昭華

蜀劉備甘后

蜀志曰先主甘皇后沛人產後主值曹公軍至追先主於當陽長坂于時困逼弃后及後主賴趙雲保護得免於難后卒追謚皇思夫人遷葬於蜀未至而先主殂殯丞相亮上言皇思夫人宜號昭烈皇后與大行皇帝合葬制曰可穆后

蜀志曰先主穆皇后陳留人也兄吳壹素與劉焉有舊是以舉家隨焉人蜀焉有異志而聞善相者使相后云當大善貴焉時將子瑁自隨遂為瑁納后瑁死寡居先主既定益州而孫夫人還吳羣下勸先主聘后先主疑於與瑁同族法正進曰論其親疎何與晉文之於子圉乎於是納后延熙八年薨合葬惠陵蜀志曰吳主劉禪張后蜀志曰吳主劉禪張后蜀志曰後主敬哀皇后車騎將軍張飛長女章武元年納為太子妃建興元年立為皇后蜀志曰後主小張后蜀志曰後主小張皇后飛小女隨後主遷于洛陽蜀志曰孫堅吳夫人權之母也本吳人徙錢塘早失父母



太平御覽 卷一百四十二 十一  
與弟居孫堅嘗其才貌欲娶之吳氏親戚嫌堅輕狡將拒焉堅甚慙恨夫人謂親戚曰何愛一女以取禍乎如有不遇命也於是遂許為婚生四男一女及權少年統業夫人助理國政甚有補益建安七年臨薨引見張昭等囑以後事

孫權步后 吳志曰吳主權步夫人臨淮淮陰人也以美麗得幸於權寵冠後宮夫人性不嫉妬多所推進故久見愛權為王及帝意欲以為后群臣議在徐氏權依違者十餘年然宮內皆稱皇后親戚上疏稱中宮及薨臣下緣權旨請追正名號乃贈皇后印綬

二王后

吳志曰吳主權王夫人琅琊人也夫人以選入宮得幸生

孫和權將立為后而全公主素憎夫人數加讚毀及權寢疾言有喜色由是權深責怒以憂死

吳志曰吳主權王夫人南陽人也生孫休及和為太子和母貴諸姬有寵者皆出居外夫人出在公安卒因葬焉休即位遣使追尊曰敬懷皇后改葬敬陵

潘后

吳志曰吳主權潘夫人會稽句章人父為吏坐死夫人與姊俱輸織室權見而異之召充後宮得幸有身夢有以龍頭授己者己以蔽膝受之遂生孫亮夫人為皇后性妬容媚自始至卒譖害甚眾權不豫夫人使問中書令張昭曰后專制故事侍疾疲勞因以羸病諸人伺其昏卧共縊殺之託言中惡後事泄坐死者六七十人權尋薨合葬蔣陵

謝妃



吳志曰吳主權謝夫人會稽山陰人也權聘以爲妃愛幸有寵後權納姑孫徐氏欲令謝下之謝不肯由是失寵早卒

徐妃

吳志曰吳主權徐夫人吳郡富春人也初適同郡陸尚尚卒權娉以爲妃使母養子登後權以夫人妬忌廢之以疾卒

孫亮全后

吳志曰孫亮全夫人全尚女也立爲皇后孫綝廢亮爲會稽王隨亮之國

吳錄曰亮妻惠解有容色吳平乃歸永寧中卒

孫休朱后

吳志曰孫休朱夫人朱據女孫綝廢亮休立夫人爲皇后

休卒羣臣尊夫人爲皇太后孫皓卽位月餘貶爲景皇后稱安定宮

孫皓母何太后

吳志曰孫和何姬丹陽句容人也父遂本騎士孫權嘗遊幸諸營而何姬觀於道中權望見異之命宦者召入以賜子和生男權喜名之曰彭祖彭祖卽皓也後徙和居新都遣使賜嫡妃張氏自殺何姬曰若皆從死誰當養孤遂撫育皓及其三弟皓卽位尊和爲昭獻皇帝何姬爲昭獻皇后月餘進爲皇太后焉

孫皓滕后

吳志曰孫皓滕夫人故太常庸之族女也肅夷滅夫人父牧以疎遠徙邊郡孫休卽位大赦得還以牧爲五官中郎皓旣封烏程三娉牧女爲妃皓卽位爲皇后封牧高密侯



太平御覽 卷一百四十一  
拜衛將軍尉尚書事時人以牧尊威頗推令諫爭而夫人  
寵漸衰皓滋不悅皓母何恒左右之又太史言於運歷中  
后不可易皓信巫覡故得不廢常供養昇平宮長秋官僚  
備貢而已受朝賀表疏如故皓內諸寵姬佩皇后璽黻者  
多矣天紀四年隨皓遷于洛陽

前趙劉淵母呼延妃

崔鴻三十國春秋前趙錄曰左賢王妃呼延氏魏嘉平中  
祈于於龍門俄而一大白魚頭有二角軒駢躍鱗於龍門  
而至於祭所久之乃去巫覡皆異之曰此嘉祥也其夜夢  
且所見魚變爲人左手把一物大如半雞子光景非常授  
延氏曰此是日精服之生貴子自是十三月而生淵

劉淵張后

崔鴻三十國春秋前趙錄曰劉淵皇后張氏夢日入懷寤

而告淵淵曰吉徵也慎勿言之自是十五月生聰

劉聰呼延后

崔鴻三十國春秋前趙錄曰劉聰皇后呼延氏淵后之從  
父妹有美色恭孝稱於宗族淵后愛聰姿貌故以配焉每  
謂聰曰父終子紹古今之大典陛下自承高祖之嗣太弟  
何爲者哉陛下百年後祭兄弟必無種也願陛下深思之  
聰亦信之曰然吾當爲計后曰事留變生太弟見祭兄弟  
並大必有不妥之志矣或有小人構間其中未必不禍發  
于今日妾常聞陛下說魯隱公事一何相似竊爲陛下寒  
心聰深然其言於是相圖之計起矣

大劉后

崔鴻三十國春秋前趙錄曰劉聰皇后劉氏彤長女也字  
麗芳以左貴嬪立爲皇后聰將起鷄儀殿廷尉陳元達諫



六代通鑑 卷一百四十二  
聰大怒將斬之后時在後堂聞而密遣中常侍勅左右停刑於是手疏啓曰伏聞勅旨將爲妾營殿今四海未一禍難猶繁廷尉之言社稷之計當賞以美爵而反欲誅之陛下此怒由妾而起廷尉之禍由妾而招自古國敗家喪未始不由婦人妾每覽古事忿之不已何意今日妾自爲之後人觀妾猶妾之視前人復何面目仰侍巾櫛請歸死此堂以塞陛下誤惑之過聰覽之色變曰朕比來得微風之患喜怒不自由元達忠臣命其冠履就坐引元達以劉后表示曰外輔如公等內輔如此后朕亦何憂矣

小劉后

崔鴻三十國春秋前趙錄曰聰后劉氏般小女字麗華童齒聰惠膚髮異常晝營女工夜誦書傳母每止之敦翫彌甚與諸兄爭論經義理旨超然諸兄常深歎謝性孝友善

風儀進止如珪璋焉以貴嬪立爲皇后般二女四孫皆姿色超世女德冠時聰並納之自是六劉之寵傾於後宮建元中流星起於牽牛入紫微龍形委蛇其光照地落平陽北十里視之則肉鼻聞于平陽肉傍常有哭聲晝夜不止聰甚惡之劉后產一蛇一虎各害人而走尋之不得頃見隕肉之傍劉氏卒僞諡武宣皇后乃失此肉哭聲亦止

劉曜劉后

崔鴻三十國春秋前趙錄曰劉皇后侍中愷女年十三長七尺八寸手垂過膝髮與身齊姿色才德邁於列后

後趙石勒劉后

崔鴻三十國春秋後趙錄曰石勒劉皇后侍中閏之妹後部胡人也勒納之於胡關色令有特寵張枏反於襄城后抽劔斬之勒賴后而濟后性惠有幹助理軍國之務有呂



氏輔漢之風然嚴整貞婉容裕不妬忌過之也石弘卽位尊爲皇后與彭城王堪謀殺石虎謀泄虎殺之

後燕慕容垂段后

崔鴻三十國春秋後燕錄曰垂皇后段氏字元妃光祿大夫儀之女后少而婉惠有節操嘗謂妹季妃曰我終不能爲庸人之妻季妃曰妹亦不爲庸夫之婦隣人聞而笑之內黃人張定善相見儀二女大驚曰君家大興當由二女儀深異之至年二十餘而不嫁儀子麟謂儀曰張定何知而拒求者儀曰吾女輩志行不凡故且躡躡以擇良配垂稱燕王納元妃爲繼室遂有殊寵范陽王德亦娉季妃焉姊妹俱爲垂德皇后卒如其志

宋劉裕臧后

沈約宋書武敬臧皇后諱愛親東莞人也后適高祖生會

稽宣長公主高祖以儉正率下后恭謹不違及高祖興復晉室居上相之重而后器服麤素不爲親屬請謁晉義熙四年正月甲午卒於東城時年四十八追贈豫章公夫人還葬丹徒

胡婕妤

宋書武帝胡婕妤諱道安淮南人義熙初爲高祖所納生文帝五年被譴賜死時年四十二高祖踐祚追贈婕妤太祖卽位上尊號曰章皇太后

劉義隆表后

沈約宋書曰文帝表皇后諱齊嬀陳郡陽夏人左光祿大夫湛之庶女也太祖初拜宜都王妃生太子劭及東陽獻公主英娥上侍后恩禮甚篤表氏貧薄后每就上求錢帛以贍與之上性節儉所得不過三五疋因此恚恨甚深



稱疾不復見上上每人必他處迴避上數掩伺之不能得疾篤上執手流涕問所欲言后視上良久乃引被覆面崩于顯陽殿時年四十六上甚悼痛之詔永嘉太守顏延之爲哀策文其文甚麗也

劉駿母路后

沉約宋書曰文帝路淑媛諱惠男丹陽建康人也以色貌選入後宮生孝武拜爲淑媛年既長無寵常隨世祖出藩世祖入討元兇淑媛留守尋陽上卽位有司奉尊號曰皇太后弟休之並超顯職太后頗豫政事賜與休之等賤物家累千金居處器服與帝子相侔尋崩時年五十五遷殯東宮改東宮門題曰崇憲宮

劉駿王后

沉約宋書曰孝武文穆王皇后諱憲嫺琅邪臨沂人元嘉

二十年拜武陵王妃生廢帝山陰公主世祖在藩后甚有寵上伐凶逆與太后同還京都立爲皇后大明四年率六宮躬桑于西郊廢帝卽位尊曰皇太后宮曰永訓其年崩于含章殿時年三十八祔葬景寧陵

劉彧母沈婕妤

沉約宋書文帝沈婕妤諱容姬納後宮爲美人生明帝拜爲婕妤元嘉三十年卒時年四十世祖卽位追贈湘東國太妃太宗卽位上尊號爲皇太后

沉約宋書曰明恭王皇后諱貞風瑯琊臨沂人也上嘗宮內大集而裸婦人觀之以爲懼笑后以扇鄣面獨無所言帝怒曰外舍家寒乞今共爲笑樂何獨不視后曰爲樂之事其方自多豈有姑姊妹集聚而裸婦人形體以爲樂外



舍之爲懼適寔與此不同帝大怒遣后令起廢帝卽位尊爲皇太后元徽五年五月五日太后賜帝玉柄毛扇帝嫌其毛柄不華因此欲加酖害已令太醫煮藥左右止之曰若行此事官家便應作孝子豈復得出入狡獪帝曰汝語有大理乃止孝建元年薨于第時年四十四

太皇太后陳妃

沈約宋書曰明帝陳貴妃諱妙登丹陽屠家女也太妃家在建康縣東家貧有草屋兩三間上出行見之賜錢三萬令起瓦屋尉自送錢與之家人並不在唯太妃在家時年十二三尉見其容質甚美卽以白世祖於是迎入宮賜太宗始有寵一年許衰歇以乞李道兒尋又還生廢帝故民中皆呼廢帝爲李氏子廢帝踐祚號曰皇太妃輿服一如晉孝武太妃故事置家令一人改諸國太妃曰太姬

### 劉昱江后

沈約宋書曰後廢帝江皇后諱簡珪濟陽考城人太始五年太宗求太子妃而雅信小數名家女多不合后弱小門無強廢卜筮最吉爲太子卽位爲后帝旣廢降爲蒼梧王妃

### 劉淮母陳昭華

沈約宋書曰明帝陳昭華諱法容丹陽人也太宗晚年諸弟姬人有懷孕者輒取入宮及生男殺其母而與六宮所愛者養之順帝桂陽王休範子也以昭華爲母焉順帝卽位進爲皇太妃

### 劉淮謝后

沈約宋書曰順帝謝后諱梵境光祿大夫莊孫女也昇明二年立爲皇后順帝禪位降爲汝陰王妃



太平御覽卷第一百四十三

皇親部九  
齊蕭道成母陳后  
蕭昭業母王后  
梁蕭衍母張后  
丁貴妃  
蕭綱王后  
陳陳霸先章后  
陳項柳后  
張貴嬪  
北齊高歡婁后  
高澄元后  
高演元后  
蕭道成劉后  
蕭昭業何妃  
蕭衍郗后  
阮脩容  
蕭繹徐妃  
陳蒨沉后  
陳叔寶沉后  
爾朱太妃  
高洋李后  
高湛胡后

太平御覽卷第一百四十三

皇親部九

齊蕭道成母陳后  
蕭昭業母王后  
梁蕭衍母張后  
丁貴妃  
蕭綱王后  
陳陳霸先章后  
陳項柳后  
張貴嬪  
北齊高歡婁后  
高澄元后  
高演元后  
蕭道成劉后  
蕭昭業何妃  
蕭衍郗后  
阮脩容  
蕭繹徐妃  
陳蒨沉后  
陳叔寶沉后  
爾朱太妃  
高洋李后  
高湛胡后



高緯斛律后

齊蕭道成母陳后

蕭子顯齊書曰宣孝陳皇后諱道正臨淮東陽人后生太祖太祖年二歲乳人之乳后夢人以兩甌麻粥與之覺而乳大出異而說之宣帝從任在外后常留家治事教子孫有相者謂后曰夫人有貴子而不見之后歎曰我三兒誰當應之呼太祖小字曰正應是汝太祖雖從官而家業本貧為建康令時高宗等冬月猶無縑纈而奉膳甚厚后每撤去兼肉曰我於此過足矣殂于縣舍年七十三建元元年重追尊孝皇后

蕭道成劉后

蕭子顯齊書曰高昭劉皇后諱智容廣陵人也父壽之貧外郎后母栢氏夢吞玉勝生后時有紫光滿室后寢臥家

人常見上如有雲氣焉年十餘適太祖嚴整有禮法家庭蕭然宋泰豫元年殂葬宣帝墓側今泰安陵也門生王清與墓工始下鍤有白兔跳起尋之不得及墳成兔還棲其上建元元年尊謚昭皇后

蕭昭業母王后

蕭子顯齊書曰文安王皇后諱寶明琅琊臨沂人建元元年為南郡王妃四年為皇太子妃無寵太子為宮人製新麗衣服及首飭而后牀帷陳設古舊釵鐸十餘枚永明十一年為皇太孫太妃鬱林王即位尊為皇太后稱宣德宮

蕭昭業何妃

蕭子顯齊書曰鬱林王何妃名婧英廬江潯人撫軍將軍戢之女后將拜鏡在牀無因墮地其冬與太后同日謁太廟后稟性姪亂為妃時與外姪通左右楊珉之與同寢處



如伉儷又與帝相愛衰故帝恣之迎后親戚入官賞賜人數十萬以世祖耀靈殿虺后家屬帝被廢后貶爲王妃

梁蕭衍母張后

梁書曰太祖獻皇后張氏諱尙柔范陽方城人也祖次惠宋濮陽太守后母蕭氏卽文帝從姑宋元嘉中嬪於太祖生長沙宣武王懿永陽昭王敷次生高祖初后嘗於室內忽見庭前菖蒲生花光彩照灼非世中所有后驚視謂侍者曰汝見不對曰不見后曰常聞見者當富貴因遽取吞之是月產高祖將產之夜后見庭內若有衣冠陪列焉次生衡陽宣王暢義興昭長公主令嫔宋泰始七年殂於秣陵縣同夏里舍葬武進縣東城里山天監元年五月甲辰追上尊號爲皇后諡曰獻

蕭衍郗后

梁書曰高祖德皇后郗氏諱徽高平金鄉人也祖紹宋國子酒祭領東海王師父燁太子舍人早卒初后母尋陽公主方娠夢人云當生貴子及生后有赤光照于室內器物盡明家人皆怪之巫言此女光高將有所妨乃於水濱祓除之后幼而明慧善隸書讀史傳女工之事無不閑習宋後廢帝將納爲后齊初安陸王緬又欲結婚郗氏並辭以女疾乃止建元末高祖始媾焉生永興公主玉姚永世公主玉婉永康公主玉環建武五年高祖爲雍州刺史先之鎮後乃迎后至州未幾殂于襄陽官舍時年三十二明年歸葬南徐州武進縣二年齊朝進高祖位相國封梁公詔贈后爲梁公妃高祖踐祚追崇爲皇后

丁貴嬪

梁書曰高祖丁貴嬪諱令光譙國人也世居襄陽貴嬪生



于夾城初產有神光之異紫烟滿室故以為名相者云此  
女當大貴高祖臨州丁氏因人以聞貴嬪時年十四高祖  
納焉初貴嬪生而有赤誌在左臂治之不滅至是無何忽  
失所在事德皇后小心祗敬嘗於供養經案之側髣髴若  
見神人心獨異之高祖義師起昭明太子始誕育貴嬪與  
太子留在州城京邑平乃還京師天監元年五月有司奏  
為貴人未拜其年八月又為貴嬪位在三夫人上居于顯  
陽殿

### 阮脩容

梁書曰高祖阮脩容諱令羸本姓石會稽餘姚人也齊始  
安王遙光納焉遙光敗後入東昏宮建康城平高祖納為  
采女天監六年八月生世祖尋拜為脩容嘗隨世祖出蕃  
大同六年六月薨于江州內寢時年六十七歸葬江寧縣

通望山謚曰宣世祖即位追崇為文宣太后

蕭綱王后

梁書曰太宗簡皇后王氏諱靈賓琅琊沂人也祖儉太  
尉南昌文憲公后幼而柔明淑德叔父暕見之曰吾家女  
師也天監十一年拜晉安王妃生哀太子大器南郡王大  
連長山公主妙碧大通三年十月拜皇太子妃太清三年  
三月薨于永福省時年四十五其年太宗即位追崇為皇  
后謚曰簡大寶元年九月葬莊陵

### 蕭繹徐妃

梁書曰元帝徐妃諱昭佩東海郟人也祖孝嗣齊太尉枝  
江文忠公父緄侍中信武將軍妃以天監十六年十二月  
拜湘東王妃生世子方等益昌公主含貞妃無容質不見  
禮帝三年一入房妃以帝眇一目每知帝將至必為半



面裝以俟帝見則大怒而出妃性嗜酒多洪醉帝還房必吐衣中旣而貞惠世子方諸母王氏寵愛未幾而終元帝歸咎於妃及方等死愈見疾太清三年遂逼令自殺妃知不免乃透井死帝以屍還徐氏謂之出妻葬江陵瓦官寺

陳陳霸先章后

陳書曰高祖宣皇后章氏諱要兒吳興烏程人也本姓鈕父景明爲章氏所養因改姓焉景明梁代官至散騎侍郎后母蘇氏嘗遇道士以小龜遺己光彩五色曰三年有徵及期后生而紫光照室因失龜所在后少而聰慧美容儀手爪長五寸色紅白每有莽功之服則一爪先折后善書計能誦詩及楚詞高祖自廣州南征交趾命后與衡陽王昌隨世祖由海道歸于長城侯景之亂高祖下至豫章后爲侯景所囚景平高祖爲長城縣公后拜夫人及高祖踐

祚永定元年立爲皇后高祖崩后與中書舍人蔡景歷定計秘不發喪召世祖入纂世祖卽位尊后爲皇太后下令黜廢帝爲臨海王命高宗嗣位太建元年冊尊后爲皇太后二年三月景申崩于紫極殿時年六十

陳蒨沉后

陳書曰世祖沉皇后諱妙容吳興武康人也父法深梁安州錄事參軍后年十餘歲以梁大同中歸于世祖高祖之討侯景世祖時在吳興景遣使收世祖及后景平乃獲免高祖踐祚永定元年后爲臨川王妃世祖卽位立爲皇后

陳頊柳后

陳書曰高宗柳皇后諱勣言河東解縣人也會祖世隆侯景之亂與弟盼往江陵依梁元帝以長城公主之故待遇甚厚及高宗赴江陵元帝以后配焉承聖二年后生後主



於江陵明年江陵陷高宗遷于關右后與後主留穰城天  
嘉二年與後主還朝后爲安成王妃高宗即位立爲皇后  
后美姿容身長七尺二寸手垂過膝初高宗居鄉里先娶  
吳興錢氏女及即位拜爲貴妃甚有寵幸后傾心下之每  
尙方供奉之物其上者皆推於貴妃而已御其次焉高宗  
崩始興王叔陵爲亂後主賴后與吳媪救而獲免後主卽  
位尊后爲皇太后宮曰弘範當此之時新失淮南之地隋  
師臨江又國遭大喪後主病瘡不能聽政其誅叔陵供大  
行喪事邊境防守及百司衆務雖假以後主之命寔皆決  
之於后後主瘡愈乃歸政焉陳亡入長安隋大業十一年  
薨于東都時年八十三葬洛陽之芒山

陳叔寶沈后

陳書日後主沈皇后諱婺華儀同三司望蔡貞憲侯君理

女也母高祖女會稽穆公主主早亡時后尙幼而毀瘠過  
甚服畢每至歲時朔望恒獨坐泣涕哀慟左右內外咸敬  
異焉太建三年納爲皇太子妃後主卽位立爲皇后后性  
端靜寡嗜慾聰敏強記涉獵經史工書翰初後主在東宮  
而后父君理卒后居憂處別殿哀毀逾禮後主遇后旣薄  
而張貴妃寵傾後宮後宮之政並歸之后澹然未嘗有所  
忌怨而居處儉約衣服無錦繡之飾左右近侍纔百許人  
唯尋閱圖史佛經爲事陳亡與後主俱入長安及後主薨  
后自爲哀詞文甚酸切隋煬帝每所巡幸恒令從駕及煬  
帝爲宇文化及所害后自廣陵過江還鄉里不知所終

張貴妃

陳書日後主張貴妃名麗華兵家女也家貧父兄以織席  
爲業後主爲太子選入宮是時龔貴嬪爲良娣貴妃年十



歲後主見而悅焉因得幸遂有娠生太子深後主即位拜  
爲貴妃妃性聰惠甚被寵遇後主每引見貴妃與賓客遊  
宴貴妃薦諸宮女預焉後宮等咸德之競言貴妃之善由  
是愛傾後宮又好厭魅之術假鬼道以惑後主置淫祀於  
宮中聚諸妖巫使之鼓舞因參訪外事人間有一言一事  
妃必知之以白後主由此益重妃內外宗族多被引用及  
隋軍陷臺城妃與後主俱入井隋軍出之晉王廣命斬妃  
於青溪中橋

北齊高歡婁后

北齊書武明皇后婁氏諱昭君贈司徒內干之女也少明  
悟強族多娉之並不肯行及見神武於城上執役驚曰此  
真吾夫也乃使婢通意又數致私財使以娉己父母不得  
已而許焉神武既有澄清之志傾產以結英豪密謀祕策

后恒參預及拜渤海王妃闔闈之事悉決焉后高明嚴斷  
雅遵儉約往來外舍侍從不過十人性寬厚不妬忌神武  
姬侍咸加恩待神武嘗將西討出師后夜嚮生一男一女  
左右以危急請追告神武后弗聽曰王出統大兵何得以  
我故輕離軍幕死生命也來復何爲神武聞之嗟嘆良久  
沙苑敗後侯景言請精騎二萬必能取之神武悅以告于  
后后曰若如其言豈有還理得懶失景亦有何利乃止文  
襄嗣位進爲太妃文宣將受魏禪后固執不許帝所以中  
止天保初尊爲皇太后宮曰宣訓濟南王即位尊爲太后  
太后尚書令楊愔等受遺詔輔政踈忌諸王太后密與孝  
昭及諸大將定策誅之令廢立孝昭即位復爲皇太后孝  
昭帝崩太后又下詔立武成帝大寧二年春太后寢疾衣  
忽自舉用巫媪言改姓石氏四月辛丑崩於北宮年六十



二合葬義平陵

爾朱太妃

北齊書彭城太妃爾朱榮之女魏孝莊后也神武納為別室敬重踰於婁妃見必束帶自稱下官神武迎蠕蠕公主還爾朱迎於木井北與蠕蠕公主前後別行不相見公主引角弓仰射翔鷓應弦而落妃引長弓邪射飛鳥亦一發而中神武喜曰我此二婦並堪擊賊後為尼神武為起佛寺天保初為太妃及文宣狂酒將無禮於太妃太妃不從遂遇禍

高澄元后

北齊書文襄敬皇后元氏魏孝靜帝之姊也孝武帝時封馮翊公主而歸於文襄容德兼美曲盡和敬初生河間王孝琬時文襄為世子三日而孝靜幸世子弟贈錦綵及布

帛萬匹世子辭求通受諸貴禮遺於是十屋皆滿次生兩公主文宣受禪尊為文襄皇后

高洋李后

北齊書曰高洋李后北齊書曰文宣皇后李氏諱祖娥趙郡李希宗女也容德甚美初為太厚公夫人及帝將建中宮高隆之高德正言漢婦人不可為天下母宜更擇美配楊愔固請依漢魏故事不改元妃而德正猶固請廢后而立段昭儀欲以結勳貴之援帝竟不從而立后焉帝好捶撻嬪御乃至有殺戮者唯后獨蒙禮敬天保十年改為可賀敦皇后孝昭即位降居昭信宮號昭信皇后

高演元后

北齊書曰高演元后北齊書曰孝昭皇后元氏開府元蠻女也初為常山王妃天保末賜姓步六孤孝昭即位立為皇后帝崩梓宮之鄰



始渡汾橋武成聞后有奇藥追索之不得使闈人就車頓辱降居順成宮武成既殺樂陵王元被闈隔不得與家相知宮闈內忽有飛語帝令檢推得后父兄書信元蠻由是坐免官后以齊亡入周氏宮中隋文帝作相放還山東

高湛胡后

北齊書曰武成皇后胡氏安定胡延之女其母范陽盧道約女初懷孕有胡僧詣門曰此宅瓠蘆中有月既而生后天保初選爲長廣王妃產後主日鵲鳴於產帳上武成崩尊爲皇太后

高緯斛律后

北齊書曰後主皇后斛律氏左丞相光之女也初爲皇太子妃後主受禪立爲皇后武平三年正月生女帝欲悅光詐稱生男爲之大赦光誅后廢在別宮後令爲尼

太平御覽卷第一百四十三



太平御覽卷第一百四十四

漢書外戚傳曰武帝制婕妤媼娥容華充依各有爵位而元帝加昭儀之號位次丞相爵比諸侯王婕妤視上卿比列侯

太平御覽卷第一百四十四

皇親部十

昭儀

夫人

貴人

婕妤

漢書外戚傳曰武帝制婕妤媼娥容華充依各有爵位而元帝加昭儀之號位次丞相爵比諸侯王婕妤視上卿比列侯

漢書曰孝元傅昭儀哀帝祖母也河內人少為上官太后才人元帝進幸有寵為人才略善事人下至宮人左右飲酒酌地皆祝延之產一男一女女為平都公主男為定陶恭王  
漢書曰孝元馮昭儀平帝祖母父奉世為執金吾上幸虎圈鬪獸後宮皆坐熊佚出圈攀檻欲上殿左右貴人昭儀

太平御覽卷第一百四十四



之等皆驚走馮婕妤直前當熊而立左右殺熊上問人情  
 驚懼何故前當婕妤曰猛獸得人而止妾恐熊至御座故  
 身當之元帝嗟嘆以此倍敬重焉男立為信都王尊婕妤  
 為昭儀元帝崩為信都太后與王俱居儲元宮官名在長安城西  
 又曰孝成趙皇后本長安宮人生時父母不舉三日不死  
 乃收養及壯屬陽阿主家學歌舞號曰飛鸞帝微行過陽  
 阿主作樂見飛鸞而悅之召入宮大幸有女弟復召入俱  
 為婕妤貴傾後宮許后廢立為皇后後寵少衰而弟更幸  
 為昭儀居昭陽舍其中庭彤朱殿上懸漆砌皆銅沓金塗  
 白玉堦壁帶往往為黃金釭插藍田璧明珠翠羽飾之後  
 宮未嘗有焉

魏志序曰魏因漢法母后之號皆如舊制自夫人以下世  
 有增損太祖建國始命王后其下五等有夫人昭儀婕妤

容華美人明帝又置淑妃昭華

後魏書曰世祖左昭儀文明皇后馮氏之姑父郎坐事誅  
 后遂入宮昭儀雅有母德鞠養教誨年十四高宗踐極選  
 后為貴人皆是昭儀撫訓之方  
 又曰孝文馮昭儀廢后馮氏姊也高祖還洛后恩遇甚厚  
 昭儀先以疾病文明太后遣還家為尼太后崩服終高祖  
 重引為左昭儀至洛稍有寵后禮愛漸衰昭儀自以年長  
 且前入宮披素見厚待念規為內主譖搆百端帝遂廢后  
 為庶人昭儀寵愛過初專寢當夕宮人稀復進見後遂立  
 為皇后

沈約宋書曰漢元帝制昭儀世祖省之晉泰始二年又置  
 昭華昭儀等以備九嬪也

崔鴻三十國春秋前趙錄曰嘉平二年立司空王育女為



左昭儀尚書令任顯女為右昭儀  
晉書載記曰石勒定昭儀夫人位視上公貴嬪貴人視列  
侯員各一人三英九華視伯淑媛淑儀視子容華美人視  
男務簡賢淑不限員數

西京雜記曰趙后腰體弱善行步進止女弟昭儀不能及  
弱骨豐肌尤工笑語為當時第一皆擅寵後宮

西京賦曰增昭儀於婕妤賢既公而復侯  
唐書曰高宗六年將立昭儀武氏為皇后長孫無忌屢言

不可帝後召于志寧等謂曰武昭儀有令德朕欲立為皇  
后卿等以為如何志寧曰自貞觀二十三年後先朝付託

遂良望陛下問其可否竟不從無忌等言而立昭儀為皇  
后

容華美人即夫人

周禮注曰三夫人之於后猶三后之於王坐而論婦禮無  
官職者矣

禮記婚義曰古者天子后立六官三夫人九嬪二十七世  
婦八十一御妻以聽天下之內治以明章婦順故天下內  
和而家理

五經要義曰古者后夫人必有女史彤管之法后妃群妾  
以禮御于君所女史書其日月授其環以進退之生子月  
辰則以金環退之當御者以銀環進之著于左手既御著  
于右手左手陽也以當就男故著左手右手陰也既御而  
復故此女史之職也

史記曰武帝時幸夫人尹婕妤邢夫人號姪徐廣曰娥秩  
比中二千石尹夫人邢夫人同時並幸有詔不得相見尹  
夫人自請武帝許之即令他夫人飾從御者數十人來前



尹夫人見之曰非那夫人身也帝曰何以言之對曰視其人形貌體狀不足以當人主於是有詔使那夫人衣故衣獨身來前尹夫人望見之曰真是矣於是乃低頭俛而泣自痛其不如也諺曰美女入室惡女之仇

漢書曰漢興因秦之稱號妾皆稱夫人有美人良人八子七子長使之號焉

又曰漢王得定陶戚姬愛幸生趙隱王如意高祖崩惠帝立呂后爲皇太后乃令永巷囚戚夫人髡鉗衣赭衣令舂戚夫人舂歌曰子爲王母爲虜終日舂薄暮常與死爲伍相離三千里當誰使告汝太后遂斷戚夫人手足去眼熏耳飲以瘖藥使居鞠域中名曰人彘

又曰高帝薄姬文帝母也少時與管夫人趙子兒相愛約曰先貴無相忘已而管與趙先幸漢王四年坐河南成臯

靈臺此兩美人相與笑薄姬初時約問其故兩人俱以實告王心悽然憐薄姬是日召而幸之

又曰孝武李夫人本以倡進初夫人兄延年性知音善歌舞武帝愛之每爲新聲變曲聞者莫不感動延年侍上起舞歌曰北方有佳人絕世而獨立一顧傾人城再顧傾人國寧不知傾城與傾國佳人難再得上歎息曰善世豈有此人乎平陽主因言延年有女弟上乃召見之實妙麗善舞由是幸生一男是爲昌邑哀王李夫人少而蚤卒上憐閔焉圖畫其形甘泉宮齊人少翁能致其神迺夜張燈燭帷帳陳酒肉而令上居他帳望見好女如李夫人之貌不得就視上愈益悲感爲作詩曰是邪非邪立而望之偏何姍姍其來何遲令樂府諸音家絃歌之上自爲作賦以傷悼夫人



又曰孝武鈞戈趙婕妤昭帝母也家在河間武帝巡狩過河閒望氣者言此室有奇女天子氣使召之既至女兩手皆拳上自披之手即時伸由是得幸號曰拳夫人

後漢書曰陳夫人者家本魏郡少以聲伎入孝王宮得幸生質帝亦以梁氏故榮寵不及焉

魏志曰魏因漢法母后之號皆如舊制自夫人以下世有增損太祖建國始命王后其下五等有夫人有昭儀有婕妤有容華有夫人明帝增淑妃昭華脩儀太和中始復命夫人登其位於淑妃之上自夫人以下爵凡十二等貴嬪夫人位次皇后

魏志曰文德郭皇后有智數時有所獻納文帝定為嗣后有謀焉太子即位后為夫人

王隱晉書曰胡芳以選入宮父奮哭曰老奴不死唯有二

兒男入九地之下女上九天之上後拜芳夫人元后臨終有命先來臨者有賞胡夫人自排人徑前辭訣咸寧二年立皇后楊氏封父駿臨晉侯駿漸驕慢奮語駿卿恃女更豪也與天家作婚者未有不滅門駿曰卿女不在天家也奮曰我女與卿女作婢耳何能增損

後魏書曰明元昭哀皇后姚興之女太宗以后禮納之後為夫人后以鑄金人不成未昇尊位然帝寵幸出入居處禮如后焉

晉中興書曰簡文宣皇后鄭氏字阿春滎陽人也先適渤海田氏生一男夫亡后依舅濮陽吳氏中宗為丞相敬后先崩將納吳氏女為夫人后及吳氏女並遊後園有見之者言於中宗曰鄭氏雖廢居賢於吳氏遠矣遂以德色納為夫人甚有寵



沈約宋書曰晉武採漢魏之制置貴嬪夫人貴人是爲三夫人位視三公晉起居注曰有司奏今月九日當拜鄭夫人右婕妤按儀注應服雀釵桂襪列仙傳曰鈞弋夫人右手拳姿色甚偉帝拔其手得一鈞而手尋伸生昭帝既而帝害之殯尸不臭而香數月昭帝既卽位更葬之棺空但有絲履故名其宮曰鈞翼後避諱改爲弋廟有神祠焉西京雜記曰高帝戚夫人善鼓瑟擊筑帝擁夫人倚瑟而絃歌畢泣下流連夫人善爲翹袖折腰之舞歌出塞望歸之曲侍婢數百人皆爲之後宮齊唱聲入雲霄又曰戚夫人以百煉金爲驅環照見指骨上惡之以賜侍兒鳴玉曜炎等各四枚

又曰戚夫人侍兒賈佩蘭後出爲扶風人段儒妻說在內時戚夫人侍高祖常以趙王如意爲言高祖思之或半日不言歎息悽愴而未知其術輒倚夫人夫人擊筑高祖自歌大風詩以和之

又曰武帝以象牙爲簪賜李夫人

又曰武帝過李夫人就取玉簪搔頭自此宮人搔頭皆用玉

貴人

東觀漢記曰光烈陰皇后上卽位立爲貴人上以后性賢仁宜母天下欲授以尊位后輒退讓自陳不足以當大位又曰章帝宋貴人時竇皇后內寵方盛以貴人名族節操高妙心內害之欲爲萬世長計陰設方略讒毀貴人由是母子見疎數月誣奏貴人使婢爲蠱道祝詛七年遂被譖



暴卒

又曰孝和陰皇后聰慧敏達有才能善史書永元二年選入掖庭爲貴人託以先后近屬故有寵

後漢書曰順烈梁后永建三年與姑俱入掖庭時年十三太史卜兆得壽房又筮得坤之比遂以爲貴人常特被引御從容辭曰願陛下思雲雨之均澤識貫魚之次序使小妾得免罪謗之累由是帝加敬焉

又曰相思竇后延喜八年選入掖庭爲貴人其冬立爲皇后而御見甚稀帝所寵唯采女田聖等永康元年冬帝寢疾遂以聖等九女皆爲貴人

東觀漢記曰申貴人生孝穆皇帝趙夫人生孝崇皇匱夫人生桓帝帝旣立追謚趙夫人爲穆皇后匱夫人爲博園貴人和平元年桓帝詔曰博園匱貴人履高明之懿德容

淑美之嘉會與天合靈篤生朕躬欲報之德詩所感歎今以貴人爲孝崇皇后

又曰孝桓帝鄧后字猛父香早死猛母宣改嫁爲掖庭民梁紀妻紀者襄城君孫壽之舅也壽引進令入掖庭得寵爲貴人故冒姓爲梁氏

續漢書曰光武郭皇后聖通世祖至真定納聖通有寵世祖卽位以爲貴人

魏志曰文帝納甄后於鄴有寵生明帝郭后李貴人並愛幸后愈失意有怨言

王隱晉書曰武帝臨軒拜諸葛婉爲夫人李曄爲貴人後魏書曰文成馮后生有神光之異高祖踐極以選爲貴人

又曰文成光皇后李氏梁國蒙縣人也母頓丘王峻妹后



之生也有異於常父方叔常言此女當大貴及長姿質美麗永昌王仁得后後遇事誅后與其家人送平城宮高祖登白樓望見之謂左右曰此婦人佳乎仍下臺后得幸於齋庫中遂有娠守庫者亦私書壁記之後驗問皆相符同生顯祖拜貴人

沈約宋書曰貴嬪文帝所制貴人漢光武制泰始二年又省貴人置貴姬

婕妤

漢書曰婕妤視上卿比列侯

又曰孝宣皇帝之爲曾孫也暴室齋夫許廣漢有女平君年十四五配曾孫數月曾孫立爲帝平君爲婕妤是時霍將軍有小女與皇太后有親公卿議更立皇后皆心儀霍將軍女亦未有言上乃詔求微時故劔大臣知旨白立許

婕妤爲皇后

又曰孝宣王皇后父奉光少時好鬪雞宣帝在民間數與奉光會相識奉光有女年十餘歲每當適人所當適者輒死故久不行及宣帝卽位召入後宮爲婕妤是時館陶公主母華婕妤及淮陽憲王母張婕妤楚孝王母衛婕妤皆愛幸皇后廢後上憐許太子早失母幾爲霍氏所害於是乃選後宮素謹慎而無子者遂立王婕妤爲皇后令母養太子

又曰孝成班婕妤成帝初卽位選入後宮始爲少使俄而大幸爲婕妤居增成合歡宮再就館有男數月失之成帝遊於後庭嘗欲婕妤同輦載婕妤辭曰觀古圖畫賢聖之君皆有名臣在側三代末主適有嬖女今欲同輦得無近似之乎上善其言而止太后聞之喜曰古有樊姬今有班



姬

世說曰漢成帝幸趙飛燕讒班婕妤呪詛帝乃考問婕妤對曰妾聞死生有命富貴在天修善尚不蒙福爲邪欲以何望若鬼神有知不受邪佞之訴如其無知訴之何益故不爲也

漢書曰成帝隆於內寵班婕妤進侍者李平得幸立爲婕妤上曰始衛皇后亦從微起乃賜平姓曰衛所謂衛婕妤又曰中山衛姬平帝母也父子豪中山盧奴人官至衛尉子豪女弟爲宣帝婕妤生楚孝王長女又爲元帝婕妤生平陽公主成帝時中山孝王無子以衛氏吉祥以子豪少女配孝王元延四年生平帝

魏志曰太祖建國始命王后其下有婕妤五等

晉服制令曰婕妤銀印青綬佩采璫玉

婦人集曰漢元帝賜婕妤書曰問飛燕趙婕妤夫上有誠必應以實憤懣充中必形於色詩云鼓鍾于宮聲聞于外猶此言之真僞之效難以欺矣夫君子貴素文足通躬勤而已亦何必華辭哉自以親婕妤異於他人故不能無言亦不以深相過望前數以顏色不平等對舒遲爲謹卒不能自改婕妤方見親幸之時老母在堂兩弟皆簪金貂並侍於側同列比舍豈不謂婕妤妹弟尊幸哉今遇蒙譴獨謂老親兩弟何班婕妤報諸姪日記言屬見元帝所賜趙婕妤書以相比元帝被病無悰但鍛鍊後宮貴人書也類多華辭至如成帝則推誠寫實若家人夫婦相與書矣何可比也故略陳其長短令汝曹自評之

後魏書曰御史中尉李彪有女幼而聰令彪每奇之教書學讀誦經傳會謂所親曰此女當興我家卿曹各得其力



彪亡後世宗問名納為婕妤好在宮常教帝妹書誦授經史世宗崩婕妤為比丘尼通習經義法座講說諸僧歎重之

太平御覽卷第一百四十四  
世宗崩婕妤為比丘尼通習經義法座講說諸僧歎重之

世宗崩婕妤為比丘尼通習經義法座講說諸僧歎重之

太平御覽卷第一百四十五

皇親部十一

嬪

世婦

御女

美人

才人

保林

女侍中

女尚書

女史

嬪

尚書堯典曰釐降二女子于媯汭嬪于虞降下嬪婦也舜為匹夫能以義理下

帝女之心於所居媯水之汭使行婦道於虞氏

詩推度灾曰關雎知原翼得賢妃正入嬪嬪婦也入嬪正於內則可以化

四方

周禮天官內宰日以陰禮教九嬪不言教夫人世婦舉中言省文也

又曰九嬪掌婦學之法以教九御婦德婦言婦容婦功各

帥其屬而以時御敎于王所嬪婦也婦德謂貞慎也婦言謂辭令也婦容謂婉婉也婦



功謂絲象也自九嬪以下九而御各帥其屬者使亦九  
九相與從王所息之燕寢也群妃御見之法早者宜先尊  
者宜後女御八十一人當一夕當一夕亦二十五日而遍云自  
人當一夕夫人三當一夕后當一夕亦十五日而遍云自  
望之後凡祭祀贊玉盥贊后薦徹豆籩黍稷器也若有賓客  
則從后當贊大喪則帥敘哭者亦如之后亦從

周禮冬官匠人曰內有九室九嬪居之外有九室九卿朝焉

禮記曰仲春之月玄鳥至之日以太牢祀於高禖天子親往  
后妃親帥九嬪御乃禮天子所御帶以弓鞬授以弓矢于高禖之前

又曰古者天子后立六宮三夫人九嬪二十七世婦八十  
一御妻

國語曰齊襄公卑聖侮士而唯女是崇九妃六嬪陳妾數百

漢書曰王莽備九嬪視九卿前非王貴公卿皆命其姓  
魏志曰文帝增貴嬪位次皇后

又曰文德郭皇后文帝踐祚為貴嬪甄后之死由后之寵也

王隱晉書曰武帝采諸葛沖等女五十餘人入殿賜采女食皆憂不食帝使縵鄣楊后曰可但入鄣其中者以絳繫臂胡芳泣左右止之曰陛下聞之芳曰死不畏何畏陛下帝壯其言故遂敬之芳父奮聞女中亦哭曰老奴不死唯有二兒男在九地之下女在九天之上拜芳為貴嬪

晉書曰胡貴嬪名芳父奮泰始九年簡良家子以充內職拜芳為貴嬪每有顧聞不飾言詞率爾而答進退方雅最蒙愛幸侍御服飾亞于皇后帝與樛蒲傷上指帝怒曰此固將種也芳對曰北伐公孫西拒諸葛非將種而何芳生



武安公主

王隱晉書曰又採侍御史齊國左維女爲脩儀有文才  
晉書曰左貴嬪名芬兄思芬少好學善綴文名亞於思武  
帝聞而納之拜脩儀後爲貴嬪以才德見禮體羸多患常  
居薄室每遊華林輒迴輦過之語及文儀辭對清華左右  
侍聽莫不稱美及楊皇后崩芬獻誄咸寧二年納悼后芬  
受詔作頌及帝女萬年公主薨帝痛悼不已詔芬爲誄其  
文甚麗帝重芬辭藻每有方物異寶必詔爲賦頌以是屢  
獲恩賜焉  
晉諸公讚曰舊制貴嬪夫人比三公假金紫淑媛淑儀脩  
容儀脩婕妤容華充華爲九嬪比九卿假銀青  
晉起居注曰泰始三年使使持節兼五官中郎將宗正丞  
司馬恢拜崇陽園妾李琰爲脩華王宣爲脩容徐琰爲脩

儀吳淑爲婕妤好趙班爲充華九年有司奏禮唯皇后聘以  
穀圭無妾媵設玉之制詔曰拜授可依魏氏故事十年上  
臨軒使持節兼太常洛陽令司馬啓拜采女胡芳爲貴嬪  
又使使持節兼御史中丞太子舍人司馬誕拜采女劉媛  
爲淑妃臧曜爲淑媛芳爲淑儀趙粲爲脩華陳琇爲脩容  
咸寧三年拜美人左嬪爲脩儀邢蘭爲婕妤朱華爲容華  
又曰惠帝元康五年詔曰才人謝玖進爲淑妃有司奏當  
與三夫人以下同拜詔宜在後也永寧元年詔曰峻陽園  
淑妃公孫明識貞粹今進位爲貴人

後魏書曰高祖改定內官三嬪視三卿六嬪視六卿

山海經曰鮒隅山顛頊葬于其陽九嬪葬于其陰

左貴嬪集有離思賦相風賦孔雀賦松柏賦泣嘔頌賦納

皇后頌楊皇后登祚讚芍藥花頌鬱金頌菊華頌神武頌



四言詩四首武元皇后誄萬年公主誄

世婦

周禮曰世婦掌祭祀賓客喪紀之事帥女宮而濯漑為齊

盛及祭之日涖陳女宮之具凡內差之物涖臨也內差房中之差

周禮天官冢宰曰世婦不言數者君子不苟於色有婦德者乃充之無則有闕

周禮春官曰世婦每宮二人女史二人世婦后宮官也王后六宮女史有才

也智禮記月令仲春之月后親帥九嬪御御謂從往祀也禮天子有世婦女御獨云

帥九嬪者于高禘之前大祝酌飲高禘之延

又曰季春之月后妃齋戒親東嚮躬后妃親採桑示帥先天下也東嚮者

向時氣也是時明其不常留養蠶也

禮記婚義曰古者天子二十七世婦以聽天下之內治以

明章婦順故天下內和而家理

蔡邕月令章句曰仲春之月以太牢祀于高禘高禘祀名

高猶尊也吉事先見之象蓋謂之人見所以祈子孫之祀

也玄鳥感陽而至故重至日因以用之簡娥以玄鳥至之

日有事高禘而生契焉故詩云天命玄鳥降而生商后妃

率九嬪御后者天子適妻也妃合也嬪婦也御妾也周禮

天子一后三妃九嬪二十七世婦八十一御妾以應外朝

公卿大夫之數也世婦不見卑者文略御妾皆行世婦可

知也后妃將九嬪女御皆會禱以祈孕任也乃禮天子所

御帶以弓韉天子所御謂后妃以下至妾任有萌牙者也

韉弓衣也祝以高禘之命飲以醴酒帶以弓衣尚使得男

也授以弓矢于高禘之前弓矢者男子之事也孕任者祈

於高禘登位之前也

又曰季春之月后妃齋戒親東嚮躬桑齋戒者事於先蠶



也東嚮盛德也躬桑者手三線猶天子親耕三推也古者天子諸侯必有公桑蠶室近川而爲之築宮仞有三尺棘牆而外閉之卜夫人世婦之吉者使入蠶室奉種浴于川公桑以食之蠶事既升也升成分繭稱絲考功絲以斤兩故日稱知其多孟夏於此終言之也以供郊廟之服天子諸侯所服以祭者必后夫人所親蠶也禮世婦卒蠶獻繭于夫人受之親繰三盆手朱綠之玄黃之以爲黼黻文章君服之以祀先王先公敬之至也故曰無或敢怠又曰孟夏之月蠶事既畢后妃獻繭於天子進其成功也乃脩繭稅以桑爲均十而取一曰稅乃收世婦以下所蠶之稅也以桑爲平者用桑多則繭多少則繭少也貴賤長少如一貴謂世婦賤謂妾御長謂力壯者也言無尊卑老壯各自以桑爲平不得以高下爲差也

史記曰中宮太極星後勾四星末星正妃餘三星後宮之屬也

漢書曰軒轅前大星女主象旁小星御者後宮屬也

范曄後漢書曰世婦主知喪祭賓客

後魏書曰高祖改定內官世婦視中大夫

又曰宣武靈皇后胡氏初召入掖庭爲承華世婦生肅宗

明皇帝

後周書武帝建德中詔曰正位於中有聖通典質文相革損益不同五帝則四星之象三王立六宮之數劉曹已降等級彌繁選擇遍於生民命秩方於庶職椒房丹地有衆如雲本由嗜欲之情非關風化之義朕運當澆季思復古始無容廣集子女屯聚宮掖弘贊後庭事從約簡可置妃二人世婦三人御妻三人自茲以外宜悉減省



御女

周禮天官冢宰曰女御婚義所謂御妻也

范曄漢書曰八十一御女序于王之燕寢頒官分務各有

典司後漢書曰高祖改定內官御女視元士宮之禮

淮南子曰孟春之月東宮御女青色衣青綵鼓琴瑟孟夏

之月南宮御女赤色衣赤綵吹笙竽孟秋之月西宮御女

白色衣白彩撞白鍾孟冬之月北宮御女黑色衣黑彩擊

磬石

美人漢書曰漢興因秦之稱號正適稱皇后妾皆稱夫人及有

美人之號焉至武帝各有爵位美人視二千石

又曰萬石君奮其父趙人也姓石氏趙亡徙居温高祖過

河內時奮年十五為小吏侍高祖高祖與語愛其恭敬問

曰若何有對曰有姊能鼓琴高祖曰若能從我乎曰願盡

力於是高祖詔其姊為美人徙其家長安中戚里以姊為

美人故也

又曰孝惠張皇后宣平侯敖女也呂太后欲為重親以公

主女配帝欲其生子萬方終無子迺使佯為有娠取後宮

美人子名之殺其母立所名子為太子

又曰孝成趙皇后弟絕幸為昭儀謂成帝給我言從中官

來即從中官許美人兒從何生許氏竟當復立耶令許美

人有子竟負若約謂何帝曰約趙氏故不立許氏使天下

無出趙氏上者無憂也

范曄後漢書曰夏舂以上后妃之制其文略矣周禮王者

備內職焉光武中興置美人無爵秩歲時賞賜充給而已



又曰虞美人者以良家子十三選入掖庭生舞陽長公主  
自漢興母氏莫不尊寵順帝既未加美人爵號而冲帝早  
夭梁冀秉政忌惡他族虞氏抑而不登但稱大家而已  
又曰王美人趙國人也豐姿色聰敏有才能明書會計以  
良家子應法相選入掖庭爲何后所醜靈帝思美人作追  
德賦令儀頌

魏志曰漢制內官十有四等魏因漢法皆如舊制自夫人  
以下世有增損太祖建國始命王后其下五等有美人暨  
太和中自夫人以下爵凡十二等美人視二千石  
江表傳曰孫皓以張布女爲美人有寵後美人忤皓怒  
捧殺之

王隱晉書曰夏舛以上內職無聞姬氏之隆婦官爲盛前  
漢列給十四世祖受命又有美人以比職焉

後魏書曰高祖改定內官美人視三品  
沉約宋書曰晉武帝採漢魏前事之制置三夫人其餘有  
美人爵視千石太宗以美人爲散使  
蕭子顯齊書曰六官位號漢魏以來因寵增置世不同矣  
建元元年有司奏置美人爲散職

才人

范曄後漢書曰和帝數失皇子鄧后憂繼嗣不廣數選進  
才人以博帝意  
魏志曰明帝遊北園召才人以上曲宴極樂明日帝見毛  
后曰昨遊宴北園樂乎帝以左右泄之所殺十餘人  
魏略曰明帝青龍三年於別殿之北立八坊諸才人以上  
轉南附焉其秩石擬百官之數  
王隱晉書曰太康七年出後官才人美女已下百七十人



歸家

又曰初惠帝幼世祖遣才人謝玖給惠帝因是有娠臨娶  
 賈妃迎玖西宮遂生愍懷  
 臧榮緒晉書曰懷帝王太后諱媛姬初入武帝拜中才人  
 早卒懷帝即位追尊曰皇太后也  
 晉中興書曰謝夫人名玖家本貧賤又以屠羊為業玖清  
 惠貞正有淑姿選入後宮為才人  
 後魏書曰高祖置女職中才人視五品  
 沉約宋書曰晉武帝採漢魏之制置才人中才人爵視千  
 石以下高祖受命省二才人世祖又置中才人以為散位  
 崔鴻三十國春秋後趙錄曰石虎杜皇后名珠不知何許  
 人平幽州在王浚妓中虎見而悅之因請於勒勒引見號  
 曰才人以賜虎性恭惠柔婉寵幸亞於鄭后也

保林

漢書曰元帝加昭儀之號凡十四等保林視百石  
 晉武帝起居注詔曰今出清商掖庭及諸署才人妓女保  
 林已下二百七十餘人還家

女侍中

後魏書曰高祖置女侍中視三品

又曰陸昕之容貌柔謹尚獻文女常山公主高祖以其主  
 壻特垂昵瞻昕之亡公主奉姑有孝稱神龜初與穆氏琅  
 瑯公主並為女侍中

又曰于忠後妻中山王尼須女微解書靈太后引為女侍  
 中

又曰靈太后妹為元叉妻封平君拜女侍中  
 鄴中記曰石虎置女侍中皆貂蟬直侍皇后



女尚書

魏略曰明帝遊宴在內選女子知書可付信者為女尚書省奏事當畫可

魏書曰高祖置女尚書視三品

晉東宮舊事曰迎太子妃之日諸長御皆在幄帳左右侍宮人重行東面以准女尚書西面以准女尚書

陸翹鄴中記曰石虎征討所得美女萬餘以為宮人簡其有才藝者為女尚書

女史

毛詩曰靜女刺時也衛君無道夫人無德也靜女其變貽我彤管既靜德又有美色又遣我以古人之法可以配退之生子月辰則以金環退之當御者以銀環進之著於左手既御著于右手事無大小記以成法箋云彤管也赤貌

彤管有煒悅懌女美煒赤貌彤管以赤心正人皆箋云赤管煒然女史以悅懌妃妾之德美之也至

毛詩義疏曰女史彤管法如國史主記后夫人之過人君有柱下史后有女史外內各有官也

周禮曰女史八人女史女奴曉書也掌王后之禮職掌內治之貳

以詔后內治內政內治之法本在逆內宮鈞考六書內治之藏以令命后也凡后之事以禮從亦如太史之於王

漢書曰班婕妤自傷賦曰陳女圖以鏡鑒頤女史而問詩

范曄後漢書曰頽官分務各有典司女史彤管記功書過

晉記曰元康中司空張華懼后族之盛乃作女史箴

沉約宋書曰女史執策記言是司過身戒夕蠱國畏晨

後魏書曰高祖置女職女史賢人視三品

沉約宋書曰太祖留心後房擬百官備置內職紫極房光



興房各置女史一人

崔鴻三十國春秋後趙錄曰石虎置女太史於靈臺仰觀  
灾祥以考外太史驗察虛實

太平御覽卷第一百四十五

*[Faded bleed-through text from the reverse side of the page]*

太平御覽卷第一百四十六

中皇親部十二

太子一 并世子見

周易離卦曰黃離元吉 離南方之卦離為火土託位焉土

於其父之道文王太子發象曰明兩作離大人以繼明照

于四方 王肅曰兩離相

周易鼎卦曰初六鼎顛趾利出否得妾以其子无咎 鄭玄

辟也趾足也無事曰趾設陳曰足互體巽為股初爻在股

之下足象也足所以承正鼎也初陰爻而柔與乾同體以

否正承乾乾為君以喻君夫人事君若失正禮蹄其為足

之道情無怨則當以和義出之然如否者嫁於天子雖失

禮無出道遠之而已達之子廢坤為順又為子母牛在右

何咎也

周易震卦曰震驚百里不喪匕鬯象曰震驚百里驚遠而

懼邇也出可以守宗廟社稷以為祭主 王肅注曰有靈而



靈而貴者莫若於王有聲而威者莫若於雷有政而嚴者莫若於侯是以天子當乾諸侯用震地不過一雷宗廟安矣處則諸侯執其政出則長子掌其之祀

周易說卦曰震一索而得男故謂之長男

又曰震為長子

易經曰震下乾上无妄天精起

天子天下之民

各得其所也

又曰主器者莫若長子故受之以震

尚書大傳曰唯四月太子發上祭于畢下至於盟津之上

乃告于司馬司徒司空諸節元才予無知以先祖先父之

有德之臣左右小子予受先公戮力賞罰以定厥功明于

先祖之遺

中流白魚入于舟王跪取出侯以燎羣公咸曰休哉

尚書中候曰廢考立發為太子

鄭玄曰定

王業也

又曰我終之後恒稱太子

又曰太子發以紂存三仁附即父位不稱王

又曰予稱太子發明慎父以名卒考

周書曰文王受命九年時維暮春在郟召太子發曰嗚呼

吾語女所保所守之哉厚德廣惠忠信志愛人君之行

君不為驕侈不為太靡不淫於美括柱茅茨為民愛費

德也因就木

春秋演孔圖曰聖人在後曰望陽苞懷至德據少陽

賈誼書曰文王使太公望傅太子發嗜鮑魚公不與日鮑

故曰在後

嗣文王矣

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑

賈誼書曰文王使太公望傅太子發嗜鮑魚公不與日鮑



魚不登于俎豈有非禮而可養太子者哉

帝王世記曰武王納太公之女曰邑姜脩教于內生太子

尚書顧命曰爾尚明時朕言用敬保元子釗時是也元子釗康王名也

弘濟于艱難不為太艱不致於危穆天子傳曰盛姬之喪那侯曹侯來吊內史將之以見天

子天子告不豫而辭焉那侯曹侯乃吊太子太子哭出廟

門以送那侯再拜勞之侯不荅拜謙不與太子亢也

周書曰晉平公使叔譽于周見太子晉與之言叔譽五稱

而三窮遂巡而退其言不遂五稱說五事遂終也歸告公曰太子晉

行年十五而臣不能與言師曠見太子先稱曰吾聞太子

之語高於太山願一言王子應之曰吾聞太師將來吾心

甚喜既見子喜而又懼吾聞女知人年長短吉凶也曠對

曰女聲清女色赤火色不壽太子曰然却後三年吾將上  
賓於帝所女慎毋言殃將及女師曠歸未及三年告死者  
至也

春秋傳曰靈王二十一年穀洛鬪將毀王宮王欲壅之太  
子晉諫曰不可晉聞古之長民者不隳山不崇藪不防川  
不竇澤

列仙傳王子喬周靈王太子晉也好吹笙作鳳皇鳴遊伊  
洛間有道士浮丘伯引上嵩山仙去

尚書大傳曰堯為天子朱為太子舜為左右鄭注曰左右

冢宰典堯知朱之不肖必將壞其宗廟滅其社稷而天下

同賊之朱之不似不欲命於天誅如桀紂也故堯推尊

舜而尚之屬諸侯致天下於大麓之野

又曰高宗有親喪居廬三年然未嘗言國事而天下無背



叛之心者何也及其為太子之時盡以知天下人民之所好惡是以雖不言國事也知天下無背叛之心

家語曰子張問曰書云高宗諒闇三年不言言乃雍有諸

王肅曰雍懼貌也孔子曰胡為其不然古者天子崩則世子委政於冢宰三年成湯既沒太甲聽於伊尹武王既喪

成王聽於周公其義一也

尚書大傳曰太子年十八日孟侯孟侯者於四方諸侯來

朝迎於郊者問其所不知也問人民之所好惡土地所生

美珍惟異山川之所有無及父在時皆知之鄭玄注曰十

為成人博問庶事也

又曰棄法律逐功臣殺太子以妾為妻則火不炎上

又曰古之帝王者必立大學小學禮記曰學在公宮使公

鄉太子大夫元士之嫡子十有三年始入小學見小節焉

踐小義焉年二十入大學見大節焉踐大義焉故入小學

知父子之道長幼之序入大學知君臣之儀上下之位小

師取小學之賢者登之天子天子以為左右天子當為太

公居攝踐祚而治九世子法於伯禽使之與成王居欲使成王之知父子君臣長幼之義所以善成王也

尚書洪範五行傳曰心之大星天王也其前星太子也後

星庶子也

荆州星占曰少微一名處士星儲君副主之宮

韓詩外傳曰五帝官天下三王家天下家以傳子官以傳

賢故自唐虞已上經傳無太子稱號夏殷之王雖則傳嗣

其文略矣至周始見文王世子之制

又曰趙簡子太子名伯魯小子名無恤簡子自為三書牘

親自表之書曰節用聽聰敬賢勿慢使能勿賤與二子使

誦之居三年簡子坐清臺之上問二書所在伯魯忘其表



令誦不能得無恤出其書於被令誦習焉乃黜伯魯而立無恤

又曰魏文侯封太子擊於中山三年不往來趙倉唐曰君何不遣人使大國太子曰願之久矣未得可使者對曰臣願奉使侯何好太子曰侯嗜晨鳧好北犬於是遣倉繅北犬奉晨鳧獻之侯曰擊愛我知我所嗜好說苑又載事具奉使部

說苑曰經侯過魏太子左帶羽玉具劍右帶環珮左光照右右光照左太子不視經侯曰魏國有寶乎太子曰主信臣忠百姓戴上此魏國之寶也

毛詩曰渭陽康公念母也康公之母晉獻公之女文公之遭驪姬之難未返而秦姬卒穆公納文公康公時為太子贈送文公於渭之陽念母之不見也

毛詩曰小弁刺幽王也太子之傅作焉弁彼鸞斯歸飛提

提興也弁樂也鸞甲居卑居雅鳥也提提群飛貌箋云樂人父子兄弟出入官庭相與飲食民莫不穀我獨于罹取申將殺之箋云穀養也于日也罹憂也天下之人無不獨不然日以憂也

又曰懷德維寧宗子維城無俾城壤無獨斯畏懷和也箋和女德無行醜虐之政以安女國是以為宗子之使免於難遂行醜虐則禍及宗子是謂城壤城壤則乖離而散宗子嫡子也

周禮曰惟王建國辨方正位干寶注曰辨方謂列東西南若君南面當陽臣北面即陰居后北官以體太陰居太子於東宮以位少陽之類

又曰膳夫掌王之食飲膳羞以養王及后世子歲終則會唯王及后世子之膳不會不會計多少優尊者又曰凡其死生蠶薨之物以供王之膳與其薦羞之物及后世子之膳羞鄭司農云鮮謂生肉藁謂乾肉也



又曰內饗掌王及后世子膳羞之割烹煎和之事選百羞

醬物珍異以俟饋供后及世子之膳羞於其飲食以供房中之羞

又曰籩人爲王及后世子供其內羞

又曰外府掌邦布之出入供王及后世子之衣服之用

又曰國君過市則刑人赦夫人過市罰一幕世子過市罰

一奕市者人之所交利而行刑之趣君子無故不遊觀焉若遊觀則施惠以爲說也

又曰王之諸子國有大事則師國子而致於太子唯所用

之若有甲兵之事則授之車甲合其卒伍置其有司以軍

法治之司馬弗正軍法百人爲卒五人爲伍弗不也國凡子屬太子司馬雖有軍事不賦之也

國之政事國子存遊倅使之脩德學道春合諸學秋合諸

射以考其藝而進退之遊倅士之未仕者學太學也射射

教以詩書王太子群后之太子卿大夫元子之適子國之後選皆造焉也

儀禮聘禮曰遭夫人世子之喪君不受使大夫受於廟其

他如遭君喪夫人世子死君爲喪主使大夫受聘禮不以凶接吉也其他謂禮所降

大戴禮曰古之王者太子生因舉之禮使士負之有司參

之夙興端冕見之南郊見之天也過闕則下過廟則趨孝

子之道也故自爲亦子則教固以行矣

又曰太子既冠成人免於保傅之嚴則有司過之史有虧

膳之宰太子有過史必書史之義不得不書過不書過則

死過書而宰徹其膳宰之義不得不徹膳不徹膳則死於

是有進善之旌誹謗之木敢諫之鼓

禮記曰大夫士之子不敢與世子同名鄭玄注曰避僭效也其先生則亦弗

改世或爲太

又曰王太子王子羣后之太子卿大夫元士之適子凡入

學以齒皆以長幼受學尊卑不同



又曰文王之為世子朝於王季日三雞初鳴而衣服至於  
 寢門之外問內豎之御者曰今日安不何如內豎小臣之屬掌內外之通令也如今內豎曰安文王乃喜孝子恒及日中又至亦如之復及暮又至亦如之暮其有不安節則內豎以告文  
 王文王色憂行不能正履節謂居處故王季復膳飲食然  
 後亦復初憂解食上必在視寒煖之節察在食下問所膳命膳宰日未有原應日諾然後退未猶勿也原再進也勿有退反武王帥而行之不敢有加焉庶幾程式  
 又曰樂正司業父師司成一有元良萬國以貞世子之謂也

又曰成王幼不能蒞阼周公相踐阼而治踐履也代成王履阼階攝王位  
 治天抗世子法於伯禽欲令成王之知父子君臣長幼之道抗猶舉也謂舉世子之法成王有過則撻伯禽所以示

成王世子之道以成王之過擊伯禽則足以感喻焉凡學世子及學士必時四時各有宜學士謂司春夏學于戈秋冬學羽籥皆於東序

又曰凡三王教世子必以禮樂樂所以脩內禮所以脩外也禮樂交錯於中發形於外是故其成也懌恭敬而温文中心中也懌悅懌也立太傅少傅以養之欲其知父子君臣之道也仲尼曰昔者周公攝政踐阼而治抗世子法於伯禽所以善成王也聞之曰為人臣者殺其身有益於君則為之況于其身以善其君乎周公優為之于讀日迂是故知為人子然後可以為人父知為人臣然後可以為人君知事人然後能使人成王幼不能蒞阼以為世子則無為也以爲若為世是故抗世子法於伯禽使之與成王居亦學此禮欲令成王之知父子君臣長幼之義也君之於世子也親



則父也尊則君也有父之親有君之尊然後兼天下而有之是故養世子不可不慎不能以教其子則其餘不足觀也行一物而三善皆得者唯世子而已其齒於學之謂也物猶事也

又世子之記曰朝夕至于大寢之門外問內豎曰今日安否何如朝夕朝朝暮夕也日中又朝文王為世內豎曰今日安世子乃有喜色其有不安節則內豎以告世子世子

色憂不滿容色憂憂淺不及文內豎言復初然後亦復初朝夕之食上世子必在視寒煖之節食下問所膳羞必知

所進以命膳宰然後退羞必知其所進必知親所食若內豎言疾則世

子親齋玄冠而養親猶自也養疾者玄冠玄端膳宰之饌必敬視之疾者

之食齊和疾之藥必親嘗之試毒嘗饌善則世子亦能食善謂多嘗饌寡世子亦不能飽又不及武王以至于復初

然後亦復初也復常所服

禮記曰國君世子生告於君接以太牢宰掌具捷讀如捷捷勝也謂

食其母使之凡接子擇吉日雖三日之內尊卑皆必選其吉日也冢子則太

牢冢大也庶人特豚士特豕大夫少牢國君世子太牢皆謂長子

又曰世子生則君沐浴朝服夫人亦如之皆立于阼階西

鄉世婦抱子升自西階君名之乃降子升自西階則人君見世子於露寢也

適子庶子見於外寢此適子謂世子也冢子未食而見必執其右手適子庶子已食而見必循其首未食已食急正緩庶之義也

又曰世子佩瑜玉而綦組綬左傳桓公曰北戎伐齊齊侯使乞師於鄭鄭太子忽帥師救齊六月大敗戎師獲其二帥大良少良甲首三百以獻于齊於是諸侯之大夫戍齊齊人饋之餼使魯為其班後鄭鄭忽以其功也怒故有郎之師公之未婚於齊也齊侯



欲以文姜妻鄭太子太子忽辭人問其故太子曰人各有偶齊人非吾偶也詩云自求多福在我而已大國何為君子曰善自為謀及敗戎師也齊侯又欲妻之固辭人問其故太子曰無事於齊吾猶不敢今以君命奔齊之急而受室以歸是以師婚也民其謂我何遂辭諸鄭伯

又曰九月乙卯子同生服虔注曰桓太子莊公同以太子生之禮舉之接以太牢接見於父初生卜士負之士妻食之公與文姜宗婦命之

又曰曹太子來朝曹太子桓公之實以上卿之禮曹伯有太子攝而朝曲禮曰諸侯之嫡子攝其君未誓於天子則以皮帛繼于子男如諸侯之上卿禮也上卿出入三積食三牢率二牢一饗曹太子初獻樂奏而歎初獻酒如獻爵享一食宴之也施父曰曹太子其有憂乎非歎所也魯大夫初獻爵奏樂也夫古之享食所以觀威儀省禍福無喪而感憂必及焉曹太子臨樂而歎故曰其有憂乎父將死兆先見之也

又曰晉侯使太子申生伐東山臯落氏里克諫曰太子奉冢祀社稷之粢盛以朝夕視君膳者故曰冢子君行則守有守則從從曰撫軍守曰監國古之制也夫帥師專行謀誓軍旅君與國政之所圖也非太子之事師在制命而已稟命則不威專命則不孝故君之嫡嗣不可以帥師君失其官帥師不威將焉用之且臣聞臯落氏將必戰君其舍之舍置置申生公曰寡人有子未知其誰立焉不對而退勿使將兵也太子帥師公衣之偏衣佩之金玦偏衣偏裳之衣偏不對左右各異故曰偏金玦以金為玦也太子將戰狐突諫曰不可昔辛伯諗周桓公曰內寵並后外寵貳政嬖子配嫡大都耦國亂之本也周公弗從故及於難今亂成矣立可必乎孝而安民子其圖之與其危身以速罪也速召也疾也言太子不去難本既成而太子拘於一節不達至孝之義與臯落戰難勝而歸猶不能免於難而使父有悖惑殺子之罪故傳曰



備衆賢之言以逆太子所以死也經

在僖公五年晉侯殺其世子申生

又曰會于首止會王太子鄭謀寧周也

子帶故齊桓帥諸侯會王太子以定其位

又曰盟會於甯母謀鄭故也鄭伯使太子華聽命于會言

於齊侯曰泄氏孔氏子人氏三族實違君命君若去之以

爲成我以鄭爲內臣君亦無所不利焉齊侯將許之管仲

曰君以禮與信屬諸侯而以姦終之無乃不可乎子華猶

是得罪於鄭之也

又曰初鄭公子蘭出奔晉公子蘭鄭文公賤妾燕姑之子

從於晉侯伐鄭請無與圍鄭許之晉善蘭不忘本國故也故使待命

於東待命於鄭東也鄭石甲父侯宣多逆以爲太子以求成於晉

晉人許之

又曰秦康公送公子雍於晉也康公秦穆公太子營晉出也曰文公之

入也無衛故有呂卻之難呂甥卻芮欲焚公宮也乃多與之徒衛徒衛

兵穆嬴日抱太子穆嬴靈公夫人以啼于朝曰先君何罪其

嗣亦何罪舍嫡嗣不立而外求君將焉寘此寘置也此太子出朝

則抱以適趙氏頓首於宣子之門曰先君奉此子而屬諸

子曰此子如才吾受子之賜賢才知人君之道也則吾受

賜猶惠不才吾唯子之怨材怨而受賜美其教也不今君雖

終言猶在耳君沒未久其言聲言氣尚在耳而棄之若何宣子與諸大夫

皆患穆嬴且畏偪言諸大夫患穆嬴之言以君顧命之言

徒來相言諸大夫患穆嬴之言以君顧命之言乃背先蔑而立靈公以禦秦師

又曰邾太子朱儒自安夫鍾自安猶也國人弗徇徇順

十二年春邾伯卒邾人立君命于天子者太子以夫鍾

與邾邽來奔邾邽亦邑名也一曰邾邽之實圭太子父在

更立君太子以其國實與地夫鍾來奔也

太子鍾來奔也



又曰齊高厚相太子光以會諸侯於鍾離不敬士莊伯曰  
 高厚相太子會諸侯將社稷是衛而皆不敬高厚與光棄社稷也其將不免乎免脫也言將不脫罪禍不以壽終也厚二十五崔杼殺君光起本也

又曰齊侯娶於魯曰顏懿姬無子其姪駸聲姬兄子日姪也顏駸皆其母姓懿聲謚也生光以為太子諸子諸子妾傳家從後言之故舉謚也仲子戎子嬖二子仲子生牙公子屬諸戎子戎子取戎子請以為太子許之齊侯許之仲子曰不可廢常不祥立為常  
為不祥也閒諸侯難於諸侯難成列光之立也列於諸侯矣謂光數從諸今無故而廢之是專黜諸侯也專獨也光列於盟不而以難犯不祥事以難成之君必悔之公曰在我而已遂東太子光東徙之使高厚傅牙以為太子夙沙衛為少傅齊侯疾崔杼微逆光微陰疾病而立之立為太子

太平御覽卷第一百四十六

太平御覽



太平御覽卷一百四十七

太平御覽卷第一百四十七

皇親部十三

太子二

左傳曰初宋芮司徒生女子芮司徒大夫赤而毛棄諸堤下其身  
 色赤而恭姬之妾取以入名之曰棄長而美恭姬宋平公  
 生毛也視夕也平公恭姬與之食公見棄也而視之九也過  
 入夕視夕也平公恭姬與之食公見棄也而視之九也過  
 悅之故視姬納諸御納之平嬖生佐公嬖棄而生左惡而  
 之過久姬納諸御納之平嬖生佐公嬖棄而生左惡而  
 婉婉順也佐太子痤美而狼太子貌美而心合左師畏而  
 婉婉順也佐太子痤美而狼太子貌美而心合左師畏而  
 惡之合左師寺人惠牆伊戾為太子內師而無寵寺人惠  
 牆皆發聲實為伊戾名以公秋楚客聘于晉過宋楚客太  
 寺人為太子內師長掌內官楚客太  
 子知之請野饗之公使往伊戾請從之公曰夫不惡女乎  
 夫謂太子伊戾無寵於對曰小人之事君子也惡之不敢  
 遠好之不敢近敬以待命敢有貳心乎有縱供其外莫供

太平御覽卷一百四十七



其內言我內師也當為臣請往也遣之至則欲用牲加書

徵之以書為之徵也書盟書而駟告公駟曰太子將為亂既與楚客

盟矣公曰為我子又何求對曰欲速位疾也欲疾也欲疾代公得

也公使視之則信有焉有盟問諸夫人母棄也與左師則

皆曰固聞之固久也久聞公囚太子太子曰唯佐也能免

我召而使請曰日中不來吾知死矣左師聞之聞太子與

聒而與之語聒謹也欲過期乃縊而死經書宋公殺伊其世

之譜聽夫人左師之言世子無佐為太子徐聞其無罪也

乃烹伊戾

又曰許悼公瘡許悼公靈公之子五月戊辰飲太子止之

藥卒經書夏五月戊辰許世子止弒其君買悼公子太子

奔晉書曰弒其君禮醫不三進藥雖嘗而不由醫太子

進藥雖嘗而不由醫而卒故君子曰盡心力以事君舍藥

國罪之書弒告於諸侯也

物可也原止之無惡藥物不由醫無以知壽命有終故曰

止實孝能盡心事也一日罪止非也刺無良史物讀為勿

又曰楚平王卒令尹子常欲立子西子西平王之長曰太

子任弱其母非嫡太子任昭王太子建實娉之子西長而

好善立長則順建善則治王順國治可不務乎子西怒曰

是亂國而惡君王也謂夫人故太子建聘之廢而國有外

援不可驥也外援謂太子任秦外孫驥王有嫡嗣不可亂

也敗親速讎亂嗣不祥我受其名賂吾以天下吾滋不從

楚國何為必殺令尹令尹懼乃立昭王

又曰齊燕姬生子不成而死燕姬齊景公嫡夫人昭七諸

子鬻奴之子荼嬖諸子諸公納女荼安孺子諸大夫恐

其為子也言於公曰君之齒長矣未有太子若之何為子

子也茶少故恐立之言君年長未有太公曰二三子閉於

子一且不諱當若之何欲令早立長也



憂虞則有疾疾亦姑謀樂何憂於無君言二三子間於隣

其間今無疾疾何為不公疾使國惠子高昭子立茶國惠

景之子國夏也高昭寘羣公子於萊寘置萊齊東鄙

公羊傳日子般卒云子卒此其稱子般卒何何休注曰據

赤君存稱世子明當世子父君薨稱子某緣民臣之心不可

某繼父也名者尸極踰年稱公無君也

又曰公孫慈如牟公及齊侯宋公陳侯衛侯鄭伯許男曹

伯會王世子于首戴曷為殊會王世子據幸周公世子貴

也世子猶世世子也解貴意也言當世父位儲君副主不

侯為世子所會也自王者言之屈遠世子在三公下禮喪

服斬衰曰公上大夫之眾臣是也自諸侯言之世子尊於

三公此禮之威儀各有所施言及者因其文可得見汲汲

也世子所以會者時相公德衰故上假王世子示以公義

穀梁傳曰曹伯使世子射姑來朝朝不言使非正庚信注

曰禮諸

侯之適誓於天子攝其君則下其君一等未誓則以皮帛

繼子男此謂會同急王命者也至於相朝非急會今曹伯

有疾不朝魯未為有闕而使世子伉諸侯之禮而來朝曹

伯失正矣諸侯相見曰朝以待人父之道待人之子以內

為失正矣內失正曹伯失正言二者俱失之世子可以已矣則

是放命也放違也言世子違命而

又曰陳侯之弟招殺陳世子偃師招成公子偃師哀公子

愛其世子留託之招哀公有嚮曰陳公子招招廢於今日

疾招殺太子偃師而立留

陳侯之弟招何也盡其親所以惡招也盡其親謂既稱公

之公子今君兩下相殺不志乎春秋此其志何也世子者

唯君之貳也貳副云可以重之存焉志之也諸侯之尊弟兄

不得以屬通其弟云者親而殺之惡也惡哀公使招

孝經曰昔者明王之以孝治天下不敢遺小國之臣而況

於公侯伯子男乎鄭玄注曰古者諸侯五年一朝天子使

世子郊迎芻米百車以客禮待之晝坐

六經輯覽



正殿夜設庭燎思與相見問其勞苦也

孔子家語曰邾隱公既即位將冠使大夫因孟懿子問禮於孔子孔子曰其禮如世子之冠冠於阼階所以著代注曰阼主人之位以明作父也醮於客位加其成冠於阼階若不醮則醮用酒於客位敬而成之戶西為三加彌尊喻其志喻其志使彌加尊宜戒冠而字之敬其名雖天子之元子猶士也其禮不變天下無生而貴者

又曰孔子曰古者王世子雖幼其即位則尊為人君治成人之事者也何冠之有孟懿子曰然則諸侯之冠異天子與怪天子無冠禮而諸侯之冠如子之冠問之也孔子曰然君薨而世子主喪是亦冠己君人無所殊諸侯亦人君與天子無異孔叢子曰穆公問於子思曰立太子有常乎答曰有之在周公之典公曰文王舍適而立次微子舍孫而立其親是

何法也子思曰躬人質而尊其尊故立其弟周人文而親其親故立其子亦各有禮也文質不同其禮則異文王舍適立次權也

漢舊儀曰皇后太子各食三十縣曰湯沐邑

白虎通曰何以知天子之子稱世子春秋傳曰王世子會于首止是也何以知天子之子稱太子尚書曰太子發升于舟是也中候曰廢考立發為太子明文王時稱太子也或云諸侯之子稱世子則春秋傳云晉太子申生鄭太子華齊太子光由是觀之周制太子世子亦不定也漢制天子稱皇帝其嫡嗣稱皇太子諸侯王之嫡稱世子後代咸因之

又曰太子夫人無謚者何本婦人隨夫太子無謚其夫人不得有謚士冠經曰天子之元子猶士也士無謚知太子



亦無諡益士族曰天子之太子皆以諸侯禮娶與君同示無  
又曰天子太子諸侯之世子皆以諸侯禮娶與君同示無  
再娶之義也

又曰天子之太子諸侯世子就師於外者尊師重先王之  
道也故曲禮曰聞有來學無往教也亦不空事時時天

易曰匪我求童蒙童蒙求我亦不空事時時天  
記曰小學在公宮南之左大學在郊即文王郊

又曰王太子羣后之太子公卿大夫元士之適子皆造小  
學小學經藝之官也大學者辟雍鄉射之官即文王郊

白虎通曰君在立太子者所以防篡殺齊臣子之亂春秋  
之義殺太子與殺君同罪春秋曰殺其君之子奚齊言君

者明與君同也君薨夫人無子有遺腹待其產而立之何  
尊嫡重正也曾子問云立嫡以長不以賢賢不肖不可知

也尚書曰知人則哲唯帝難之立子以貴不以長者塞愛  
憎也故春秋公羊傳曰立適以長不以賢立子以貴不以  
長

列女傳曰魯漆室女倚柱而嘯隣婦謂之曰何嘯之悲也  
子欲嫁乎吾為子求偶女曰吾豈嫁哉吾憂魯君老而太

子少也隣婦曰此乃魯大夫之憂也且魯國雖有事婦人  
何與女曰子知其一不知其二也昔者晉客舍吾家繫馬

馬佚馳踐吾園葵使我終歲不厭菜隣人女奔亡借吾兄  
追之泝流而天令吾終身無兄今魯君老老必將悖太子

少少必愚愚悖之間姦偽互起夫魯國有事禍及眾庶婦  
人獨安所避之隣婦謝日子之慮非吾所及也居三年魯

果內亂齊楚攻之男子戰鬪婦人輸粟不得休息公羊傳  
史記曰周厲王奔彘太子靜匿召公之家國人聞之乃圍



之召公以其子代王太子太子竟得脫周召三相行政號曰共和共和十四年厲王死于彘太子靜長於召公家二相乃共立之是爲宣王又曰幽王嬖愛褒姒生子伯服幽王廢后及太子而以褒姒爲后伯服爲太子太史伯陽曰禍成矣母可奈何申侯怒乃與犬戎共攻殺幽王驪山下虜褒姒於是諸侯共立故幽王太子宜咎是爲平王  
紀年曰幽王八年立褒姒之子曰伯服爲太子  
史記燕世家曰燕見秦且滅六國秦兵臨易水禍且至太子丹陰養壯士二十人使荆軻獻督亢地圖於秦王秦覺殺軻使將軍王翦擊燕二十年秦拔薊燕王亡徙居遼東斬丹以獻秦燕丹子曰太子丹質於秦秦王遇之無禮不得意欲歸秦王不聽謬言令烏白頭馬生角乃可丹仰天而歎烏卽白頭馬生角秦不得已而遣之爲機發之橋欲

陷丹丹過之橋爲不發夜到關丹爲雞鳴遂得逃歸故怨於秦欲報之養勇士無所不至丹與其傅麴武書曰丹不肖生於僻陋之國長於不毛之地未曾得觀君子雅訓欲有所陳幸垂覽之丹聞丈夫之道節義廉恥受辱以生也貞正所羞之見却以虧其節故有刎喉不顧據鼎不避者斯豈樂死而忘生哉其心所守也今秦王反戾天常虎狼其行遇丹無禮諸侯最甚亦念之痛入骨髓計燕國之衆不能敵之曠年相守力固不足欲收天下勇士集海內英雄破國空藏以奉養之重弊甘辭以市於秦秦貪我賂而信我辭則一劍之任當千萬之師須臾之間可解卅萬世之耻若其不然令丹生無日於天地死懷恨於九泉必令諸侯無以爲歎易水之北未知誰有此蓋亦大夫恥也謹遣書願熟思之



史記呂后本紀曰太后高祖微時妃也生孝惠帝爲人仁  
弱高祖以爲不類我常欲廢太子立戚姬子如意如意類  
我幾代太子者數矣賴大臣爭之及用留侯策太子得毋  
廢又張良世家曰上欲廢太子立戚夫人子趙王如意大  
臣多諫爭未能得堅決者也呂后恐不知所爲人或謂呂  
后曰留侯善畫計策上信用之呂后乃使建成侯呂澤劫  
留侯曰君常爲上謀臣今欲易太子君安得高枕而卧乎  
留侯曰始上數在困急之中幸用臣策今天下安定以愛  
欲易太子此骨肉間雖臣等百餘人何益呂澤強要曰爲  
我盡計留侯曰此難以口舌爭也願上有不能致者天下  
有四人四人者年老矣皆以爲上慢侮人故逃匿山中義  
不爲漢臣然上高此四人今公誠能無愛金玉璧帛令太  
子爲書卑辭安車因使辯士請之來以爲客時時從入朝

令上見之則必異而問之上知此四人賢則一助也於是  
呂后令呂澤使人奉太子書卑辭厚禮迎四人四人至客  
建成侯所漢十一年黥布反上病欲使太子將往擊之四  
人相謂曰凡來者將以存太子太子將兵事危矣乃說建  
成侯曰太子將兵有功則位不益太子無功還則從此受  
禍矣且太子所與俱諸將皆嘗與上定天下驍將也今使  
太子將之此無異使羊將狼也皆不肯爲盡力其無功必  
矣臣聞母愛者子抱今戚夫人日夜侍御趙王如意常抱  
居前上終不使不肖子居愛子之上明乎其代太子位必  
矣君何不急請呂后承間爲上泣言黥布天下猛將也善  
用兵今諸將皆陛下故等夷夷猶齊也乃令太子將此屬無異  
使羊將狼也莫肯爲用且使布聞之則鼓行而西耳晉灼曰鼓  
行而西言無所畏上雖病強載輜車卧而護之諸將不敢不盡力



上雖苦爲妻子自強於是呂澤立夜見呂后呂后承閒爲  
上泣涕而言如四人意上曰吾惟豎子固不足遣而公自  
行耳於是上自將兵而東羣臣居守皆送至霸上留侯病  
自強起至曲郵長安縣有曲郵聚見上曰臣宜從病甚楚人剽疾  
願上無與楚人爭鋒因說上曰令太子爲將軍監關中兵  
上曰子房疾強卧而傳太子是時叔孫通爲太傅留侯行  
少傅事漢十二年上從擊破布歸疾益甚愈欲易太子留  
侯諫不聽因疾不視事叔孫太傅稱說引古今以死爭太  
子上佯許之猶欲易之及讌置酒太子侍四人者從太子  
年皆八十有餘鬚眉皓白衣冠甚偉上恠之問曰彼何爲  
者四人前對各言名姓東園公角里先主綺里季夏黃公  
上乃大驚曰吾求公數歲公避逃我今公何自從吾兒遊  
乎四人皆曰陛下輕士善罵臣等義不爲辱故恐亡匿竊

聞太子爲人仁孝恭敬愛土天下莫不延頸欲爲太子死  
者故臣等來耳上曰煩公幸卒調護太子如淳曰調護四  
猶營護也四人者曰我  
人爲壽已畢起去上目送之召戚夫人指示四人者曰我  
欲易之彼四人輔之羽翼已成難動矣呂后子眞而主矣  
漢書外戚傳曰孝景王皇后武帝母也入太子宮太子幸  
愛之生三女一男男方在身時王夫人夢日入其懷以告  
太子太子曰此貴徵也未生文帝崩景帝卽位王夫人生  
男是時薄皇后無子後數歲景帝立齊栗姬男爲太子而  
王夫人男爲膠東王長公主嫖有女欲與太子爲妃栗姬  
妬而景帝諸美人皆因長公主見得貴幸栗姬日怨怒謝  
長主長主不許長主欲與王夫人夫人許之會薄皇后廢  
長公主日譖栗姬景帝嘗屬諸姬子曰吾百歲後善視之  
栗姬怒不肯應言不遜景帝心銜之而未發也長公主日



譽王夫人之男美帝亦自賢之又以曩者所夢日符計未有所定王夫人又陰使人趣大臣立栗姬為皇后大行奏事文曰子以母貴母以子貴今太子母號宜為皇后帝怒曰是乃所當言耶遂按誅大行廢太子為臨江王栗姬愈恚不得見以憂死卒立王夫人為皇后男為太子

漢武故事曰武帝生猗蘭殿四歲立為膠東王七歲立為皇太子

漢書曰衛皇后生戾太子據元狩元年立為皇太子年七歲矣初上年二十九乃得太子甚喜為立禱

張晏曰禱者求高禱是使東方朔枚臯作禱祝少壯詔受公羊春秋又從瑕丘江公受穀梁及冠就宮上為立博望苑使通賓客從其所好故多以異端進者元鼎四年納史良娣

韋昭曰良娣妃有良娣有孺子凡三等產子男進號曰史皇孫

張晏曰皆以舅氏武姓為氏以相別也

帝末衛后寵衰江充用事充與太子及衛氏有隙恐上晏駕後為太子所誅會巫蠱事起充因此為姦是時上春秋高意多所惡以為左右皆為蠱道祝詛窮治其事充典治巫蠱遂至太子宮掘蠱得桐木人太子召問少傅石德德懼為師傅并誅因謂太子曰姦臣如此太子將不念秦扶蘇事邪太子急乃收補充斬以聞遂部賓客為將率與丞相劉屈氂等戰太子兵敗亡不得上怒甚羣下憂懼不知所出壺關三老茂上書云子弄父兵罪當笞尔書奏天子感寤太子之亡也東至湖藏匿泉鳩里主人家貧常賣履以給太子太子有故人在湖聞其富贍使人呼之而發覺吏圍捕太子太子自度不得脫即入室自經後車千秋言太子之寃上遂擢千秋為丞相而族滅江充家上憐太子無辜乃作思子宮為歸來望思之臺於湖天下聞而悲之



宣帝即位有司奉諡曰戾置奉邑三百家

又曰孝元皇帝為太子也母曰哀許皇后宣帝微時生民間年二歲宣帝即位八歲立為太子壯大柔仁好儒見宣帝所用多文法吏以刑名繩下大臣楊惲盡寬饒等坐刺譏辭語為罪而誅嘗侍燕從容言陛下持刑太深宜用儒生宣帝作色曰漢家自有制度本以霸王道雜之奈何純任德教害政乎且俗儒不達時宜好是古非今使人眩於名實不知所守何足委任乃嘆曰亂我家者太子也繇是疏太子而愛淮陽王曰淮陽王明察好法宜為吾子而王母張婕妤尤幸上有意欲用淮陽王代太子然以少依許氏俱從微起故終不背焉

又曰孝宣王皇后宣帝即位召入後宮稍進為婕妤霍皇后廢上憐許太子早失母幾為霍氏所害於是乃選後宮

素謹慎而無子者遂立王婕妤為皇后令母養太子

又曰孝成皇帝元帝太子也母曰王皇后元帝在太子宮

生甲觀畫堂如淳曰甲觀觀名畫堂堂名三輔黃圖云為

世嫡皇孫宣帝愛之字曰太孫常置左右年三歲而宣帝

崩元帝即位帝為太子壯好經書寬博謹慎初居桂宮上

嘗急召太子出龍樓門晏曰門樓上有銅龍若不敢絕馳

道應劭曰馳道天子道也若西至直城門晉灼曰黃圖西

得絕乃度還入作室門上遲之間其故以狀對上大悅乃

著令令太子得絕馳道云其後幸酒樂燕晉灼曰幸酒好

上不以為能而定陶恭王有才藝母傅昭儀又愛幸上以

故常有意欲以恭王為嗣賴侍中史丹護太子家輔助有

力上亦以先帝尤愛太子故得無廢

又曰孝哀皇帝元帝庶孫定陶恭王子也嗣立為王好文



辭法律元延四年入朝盡從傅相中尉時成帝少弟中山  
孝王亦來朝獨從傅上以問定陶王對曰令諸侯王朝得  
從其國二千石傅相中尉皆國二千石故盡從之上令誦  
詩通習能說他日問中山王獨從傅在何法令不能對帝  
由此賢定陶王數稱其材為加元服而遣之時年十七矣  
明年徵立為皇太子謝曰臣幸得繼父守藩為諸侯王材  
質不足以假充太子宮

太平御覽卷第一百四十七



